

Ֆինանսական հաշվետվություններ և Անկախ աուդիտորի եզրակացություն

«Սոֆթ Կոնստրակտ» ՓԲԸ

31 դեկտեմբերի 2024թ.

Բովանդակություն

Անկախ աուդիտորի եզրակացություն	3
Շահույթի կամ վնասի և այլ համապարփակ ֆինանսական արդյունքի մասին հաշվետվություն	6
Ֆինանսական վիճակի մասին հաշվետվություն	8
Սեփական կապիտալում փոփոխությունների մասին հաշվետվություն	10
Դրամական միջոցների հոսքերի մասին հաշվետվություն	11
Ֆինանսական հաշվետվություններին կից ծանոթագրություններ	13

Անկախ աուդիտորի եզրակացություն

Grant Thornton CJSC
Yerevan Plaza Business Center
9 Grigor Lusavorich Street
Yerevan 0015
Republic of Armenia

T +374 10 50 09 64/61

Գրանթ Թորնթոն ՓԲԸ
Երևանի Պլազա բիզնես կենտրոն
ՀՀ, ք. Երևան 0015
Գրիգոր Լուսավորչի 9

Հեռ.՝ +374 10 50 09 64/61

«Սոֆթ Կոնստրակտ» ՓԲԸ բաժնետերերին

Կարծիք

Մենք աուդիտի ենք ենթարկել «Սոֆթ Կոնստրակտ» ՓԲԸ (Ընկերություն) ֆինանսական հաշվետվությունները, որոնք ներառում են 2024թ. դեկտեմբերի 31-ի դրությամբ ֆինանսական վիճակի մասին հաշվետվությունը, ինչպես նաև այդ ամսաթվին ավարտված տարվա շահույթի կամ վնասի և այլ համապարփակ ֆինանսական արդյունքի մասին հաշվետվությունը, սեփական կապիտալում փոփոխությունների մասին հաշվետվությունը և դրամական միջոցների հոսքերի մասին հաշվետվությունը, ինչպես նաև ֆինանսական հաշվետվություններին կից ծանոթագրությունները, ներառյալ հաշվապահական հաշվառման էական քաղաքականության ամփոփ նկարագիրը:

Մեր կարծիքով՝ կից ֆինանսական հաշվետվությունները տալիս են Ընկերության՝ 2024թ. դեկտեմբերի 31-ի դրությամբ ֆինանսական վիճակի և նույն ամսաթվին ավարտված տարվա ֆինանսական արդյունքների ու դրամական հոսքերի ճշմարիտ և իրական պատկերը՝ համաձայն Ֆինանսական հաշվետվությունների միջազգային ստանդարտների (ՖՀՄՍ-ներ):

Կարծիքի հիմք

Մենք աուդիտի անցկացրել ենք աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը լրացուցիչ նկարագրված է մեր եզրակացության՝ «Աուդիտորի պարասխանատվությունը ֆինանսական հաշվետվությունների աուդիտի համար» բաժնում: Մենք անկախ ենք Ընկերությունից՝ համաձայն Հաշվապահների էթիկայի միջազգային ստանդարտների խորհրդի կողմից հրապարակված «Պրոֆեսիոնալ հաշվապահի էթիկայի կանոնագրքի» (ՀԷՄՍ կանոնագիրք) և էթիկայի համապատասխան պահանջների, որոնք կիրառելի են ֆինանսական հաշվետվությունների մեր աուդիտի նկատմամբ Հայաստանի Հանրապետությունում, և կատարել ենք էթիկայի գծով մեր այլ պարտականությունները՝ նշված պահանջների և ՀԷՄՍ կանոնագրքի համաձայն: Համոզված ենք, որ ձեռք ենք բերել բավարար համապատասխան աուդիտորական ապացույցներ՝ մեր կարծիքն արտահայտելու համար:

Այլ հանգամանքներ

Ընկերության 2023 թ. դեկտեմբերի 31-ին ավարտված տարվա ֆինանսական հաշվետվություններն աուդիտի են ենթարկվել մեկ այլ աուդիտորի կողմից, որի 2024թ. ապրիլի 26-ի եզրակացությունում այդ ֆինանսական հաշվետվությունների վերաբերյալ արտահայտվել է չձևափոխված կարծիք:

Ինչպես ներկայացված է Ծանոթագրություն 5-ում հաշվետու տարում Ընկերությունը վերաներկայացրել է 2023թ. դեկտեմբերի 31-ին ավարտված տարվա ֆինանսական հաշվետվությունները: Մենք աուդիտի ենք ենթարկել նաև այդ վերաներկայացումները:

Ղեկավարության և կառավարման օղակներում գտնվող անձանց պատասխանատվությունը ֆինանսական հաշվետվությունների համար

Ղեկավարությունը պատասխանատու է ՖՀՄՄ-ների համաձայն ֆինանսական հաշվետվությունների պատրաստման և ճշմարիտ ներկայացման և այնպիսի ներքին հսկողության համար, որն ըստ ղեկավարության, անհրաժեշտ է խարդախության կամ սխալի հետևանքով էական խեղաթյուրումներից զերծ ֆինանսական հաշվետվությունների պատրաստումն ապահովելու համար:

Ֆինանսական հաշվետվությունները պատրաստելիս՝ ղեկավարությունը պատասխանատու է Ընկերության՝ անընդհատ գործելու կարողությունը գնահատելու համար՝ անհրաժեշտության դեպքում բացահայտելով անընդհատությանը վերաբերող հարցերը, ինչպես նաև հաշվապահական հաշվառման անընդհատության հիմունքը կիրառելու համար, եթե ղեկավարությունը չունի Ընկերությունը լուծարելու կամ Ընկերության գործունեությունը դադարեցնելու մտադրություն, կամ չունի այդպես չվարվելու որևէ իրատեսական այլընտրանք:

Կառավարման օղակներում գտնվող անձիք պատասխանատու են Ընկերության ֆինանսական հաշվետվողականության գործընթացի վերահսկման համար:

Աուդիտորի պատասխանատվությունը ֆինանսական հաշվետվությունների աուդիտի համար

Մեր նպատակն է ձեռք բերել ողջամիտ հավաստիացում առ այն, որ ֆինանսական հաշվետվությունները բոլոր էական առումներով զերծ են էական խեղաթյուրումներից՝ անկախ դրանց՝ խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորական եզրակացություն: Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ ԱՄՄ-ներին համապատասխան իրականացված աուդիտը միշտ կհայտնաբերի էական խեղաթյուրումը, երբ այն առկա է: Խեղաթյուրումները կարող են առաջանալ խարդախության կամ սխալի արդյունքում և համարվում են էական, երբ խելամտորեն կարող է ակնկալվել, որ դրանք առանձին կամ միասին վերցրած կազդեն օգտագործողների՝ այդ ֆինանսական հաշվետվությունների հիման վրա կայացվող տնտեսական որոշումների վրա:

ԱՄՄ-ների համաձայն իրականացրած աուդիտի ողջ ընթացքում կիրառում ենք մասնագիտական դատողություն և պահպանում մասնագիտական կասկածամտություն: Ի լրումն՝

- Հատկորոշում և գնահատում ենք խարդախության կամ սխալի հետևանքով ֆինանսական հաշվետվությունների էական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով, և ձեռք ենք բերում աուդիտորական ապացույցներ, որոնք բավարար ու համապատասխան հիմք են հանդիսանում մեր կարծիքի համար: Խարդախության պատճառով առաջացած էական խեղաթյուրման չհայտնաբերման ռիսկն ավելի բարձր է, քան սխալի հետևանքով էական խեղաթյուրման չհայտնաբերման ռիսկը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ կամ ներքին հսկողության չարաշահում:
- Ձեռք ենք բերում պատկերացում աուդիտին վերաբերող ներքին հսկողության մասին՝ տվյալ հանգամանքներին համապատասխան աուդիտորական ընթացակարգեր նախագծելու, այլ ոչ թե Ընկերության ներքին հսկողության արդյունավետության վերաբերյալ կարծիք արտահայտելու համար:
- Գնահատում ենք հաշվապահական հաշվառման կիրառված քաղաքականության տեղին լինելը, ինչպես նաև ղեկավարության կողմից կատարած հաշվապահական հաշվառման գնահատումների և կից բացահայտումների խելամտությունը:
- Եզրահանգումներ ենք կատարում ղեկավարության կողմից հաշվապահական հաշվառման անընդհատության հիմունքի կիրառման տեղին լինելու վերաբերյալ և, հիմնվելով ձեռք բերված աուդիտորական ապացույցների վրա, գնահատում ենք՝ արդյոք առկա է էական անորոշություն դեպքերի կամ իրավիճակների վերաբերյալ, որը կարող է նշանակալի կասկած հարուցել Ընկերության անընդհատ գործելու կարողության վերաբերյալ: Եթե մենք եզրահանգում ենք, որ առկա է էական անորոշություն, ապա մեզանից պահանջվում է աուդիտորի եզրակացությունում ուշադրություն հրավիրել ֆինանսական հաշվետվությունների համապատասխան բացահայտումներին, կամ, եթե այդպիսի բացահայտումները բավարար չեն, ձևափոխել մեր կարծիքը: Մեր եզրահանգումները հիմնված են մինչև մեր եզրակացության ամսաթիվը ձեռք բերված աուդիտորական ապացույցների

վրա: Այնուամենայնիվ, ապագա դեպքերը կամ իրավիճակները կարող են ստիպել Ընկերությանը դադարեցնել անընդհատության հիմունքի կիրառումը:

- Գնահատում ենք ֆինանսական հաշվետվությունների ընդհանուր ներկայացումը, կառուցվածքը և բովանդակությունը, ներառյալ բացահայտումները, ինչպես նաև ֆինանսական հաշվետվությունների հիմքում ընկած գործարքների ու դեպքերի ճշմարիտ ներկայացումը:

Կառավարման օղակներում գտնվող անձանց, ի թիվս այլ հարցերի, հաղորդակցում ենք աուդիտի առաջադրանքի պլանավորված շրջանակի և ժամկետների, ինչպես նաև աուդիտի ընթացքում հայտնաբերված նշանակալի հարցերի, ներառյալ ներքին հսկողությանը վերաբերող նշանակալի թերությունների մասին:

Արմեն Հովհաննիսյան
«Գրանթ Թորնթոն» ՓԲԸ-ի տնօրեն

Էմիլ Վասիլյան, FCCA
Առաջադրանքի ղեկավար

29 ապրիլի 2025թ.



Շահույթի կամ վնասի և այլ համապարփակ ֆինանսական արդյունքի մասին հաշվետվություն

Հազար ՀՀ դրամ

	Ծանոթ.	2024թ.	2023թ. (վերաներկայացված)
Հասույթ խաղային գործունեությունից	6	46,938,514	43,065,833
Հասույթ ծրագրային ապահովման և մշակման ծառայություններից	7	21,848,116	17,851,645
Այլ եկամուտ		84,260	22,590
Հատուցումներ աշխատակիցներին		(39,646,576)	(33,951,875)
Վճարային համակարգերի ծառայությունների գծով ծախսեր		(5,480,272)	(4,099,808)
Պետական տուրքեր և այլ վճարներ	22.3	(4,376,700)	(1,940,867)
Արտոնագրային վճարներ խաղային գործունեության համար	15	(1,200,000)	(1,200,000)
Առաջխաղացման և գովազդի ծախսեր		(1,217,035)	(620,764)
Մաշվածություն և ամորտիզացիա		(1,562,163)	(1,484,547)
Մասնագիտական ծառայությունների գծով ծախսեր		(357,637)	(293,763)
Գործուղման ծախսեր		(928,268)	(810,083)
Միջոցառումների գծով ծախսեր		(135,687)	(50,156)
Գրասենյակային և կոմունալ ծախսեր		(569,135)	(518,279)
Վառելիք և տրանսպորտային ծախսեր		(377,633)	(286,469)
Ապահովագրության գծով ծախսեր		(361,873)	(330,241)
Կարճաժամկետ վարձակալությունների գծով ծախսեր		(122,200)	(62,617)
Բանկային և փոխարկման ծախսեր		(219,587)	(233,067)
Տեղեկատվական տեխնոլոգիաների գծով ծախսեր		(374,846)	(387,467)
Անվտանգության ծառայության ծախսեր		(140,696)	(11,550)
Այլ ծախսեր		(176,526)	(318,081)
Գործառնական գործունեությունից շահույթ		11,624,056	14,340,434

Շահույթի կամ վնասի և այլ համապարփակ ֆինանսական արդյունքի մասին հաշվետվություն (շարունակություն)

Հազար ՀՀ դրամ

	Ծանոթ.	2024թ.	2023թ. (վերաներկայացված)
Հիմնական միջոցների օտարումից զուտ օգուտ (վնաս),		3,837	(33,845)
Ֆինանսական եկամուտ		80,527	29,622
Ֆինանսական ծախս		(182,852)	(72,183)
Փոխարժեքային տարբերությունից զուտ օգուտ (վնաս)	8	(596,385)	462,891
Շահույթ մինչև հարկումը		10,929,183	14,726,919
Շահութահարկի գծով ծախս	9	(2,095,823)	(2,579,154)
Տարվա շահույթ		8,833,360	12,147,765
Այլ համապարփակ ֆինանսական արդյունք			
Տարվա այլ համապարփակ ֆինանսական արդյունք հարկումից հետո		-	-
Ընդամենը տարվա համապարփակ ֆինանսական արդյունք		8,833,360	12,147,765

Շահույթի կամ վնասի և այլ համապարփակ ֆինանսական արդյունքի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 13-ից մինչև 42-րդ էջերում ներկայացված կից ծանոթագրությունների հետ մեկտեղ:

Ֆինանսական վիճակի մասին հաշվետվություն

Հազար ՀՀ դրամ

		31 դեկտեմբերի 2023թ. (վերաներ- կայացված)	31 դեկտեմբերի 2024թ.	1 հունվարի 2023թ. (վերաներ- կայացված)
	Ծանոթ.			
Ակտիվներ				
Ոչ ընթացիկ ակտիվներ				
Հիմնական միջոցներ	10	2,698,259	2,659,103	2,202,997
Օգտագործման իրավունքի ձևով ակտիվներ	11	1,242,914	1,877,001	768,606
Ոչ նյութական ակտիվներ		55,342	127,376	46,564
Հետաձգված հարկային ակտիվներ	13	391,264	354,932	334,778
Կանխավճարներ ոչ ընթացիկ ակտիվների ձեռքբերման համար		5,904	209,509	23,864
Ընդամենը ոչ ընթացիկ ակտիվներ		4,393,683	5,227,921	3,376,809
Ընթացիկ ակտիվներ				
Պաշարներ		273,103	185,632	86,814
Առևտրային և այլ դեբիտորական պարտքեր	14	4,008,419	7,562,465	4,332,358
Հետաձգված ծախսեր վիճակախաղերի կազմակերպման տարեկան տուրքի գծով	15	981,667	981,667	981,667
Դրամական միջոցներ և դրանց համարժեքներ	16	9,772,000	5,215,766	4,971,269
Ընդամենը ընթացիկ ակտիվներ		15,035,189	13,945,530	10,372,108
Ընդամենը ակտիվներ		19,428,872	19,173,451	13,748,917

Ֆինանսական վիճակի մասին հաշվետվություն (շարունակություն)

Հազար ՀՀ դրամ

	31 դեկտեմբերի 2024թ.	31 դեկտեմբերի 2023թ. (վերաներ- կայացված)	1 հունվարի 2023թ. (վերաներ- կայացված)
Սեփական կապիտալ և պարտավորություններ			
Կապիտալ և պահուստներ	17		
Կանոնադրական կապիտալ	1,370,093	938,958	420,834
Պահուստային կապիտալ	141,000	66,000	44,000
Կուտակված շահույթ	8,788,869	8,653,206	6,889,922
Ընդամենը սեփական կապիտալ	10,299,962	9,658,164	7,354,756
Պարտավորություններ			
Ոչ ընթացիկ			
Վարձակալության գծով պարտավորություն	11	661,547	1,327,960
805,190			
Ընդամենը ոչ ընթացիկ պարտավորություններ	661,547	1,327,960	805,190
Ընթացիկ			
Առևտրային և այլ կրեդիտորական պարտքեր	18	6,937,549	6,183,429
5,007,053			
Վարձակալության գծով պարտավորության ընթացիկ մաս	11	703,949	560,458
-			
Ընթացիկ հարկային պարտավորություն շահութահարկի գծով		825,865	1,443,440
581,918			
Ընդամենը ընթացիկ պարտավորություններ	8,467,363	8,187,327	5,588,971
Ընդամենը սեփական կապիտալ և պարտավորություններ	19,428,872	19,173,451	13,748,917

Ֆինանսական հաշվետվությունները հաստատվել են 2025թ. ապրիլի 29-ին

Արա Խաչատրյան
Տնօրեն



Գուրգեն Մովսիսյան
Գլխավոր հաշվապահ

Ֆինանսական վիճակի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 13-ից մինչև 42-րդ էջերում ներկայացված կից ծանոթագրությունների հետ մեկտեղ:

Սեփական կապիտալում փոփոխությունների մասին հաշվետվություն

Հազար ՀՀ դրամ	Կանոնադրական կապիտալ	Պահուստային կապիտալ	Կուտակված շահույթ	Ընդամենը
2023թ. հունվարի 1-ի դրությամբ մնացորդ	420,834	44,000	6,889,922	7,354,756
Տարվա շահույթ	-	-	12,147,765	12,147,765
Տարվա այլ համապարփակ ֆինանսական արդյունք	-	22,000	(22,000)	-
Ընդամենը տարվա համապարփակ ֆինանսական արդյունք	-	22,000	12,125,765	12,147,765
Թողարկված բաժնետիրական կապիտալ	518,124	-	-	518,124
Շահաբաժիններ	-	-	(10,362,481)	(10,362,481)
Գործարքներ սեփականատերերի հետ	518,124	-	(10,362,481)	(9,844,357)
2023թ. դեկտեմբերի 31-ի դրությամբ մնացորդ	938,958	66,000	8,653,206	9,658,164
Տարվա շահույթ	-	-	8,833,360	8,833,360
Տարվա այլ համապարփակ ֆինանսական արդյունք	-	75,000	(75,000)	-
Ընդամենը տարվա համապարփակ ֆինանսական արդյունք	-	75,000	8,758,360	8,833,360
Թողարկված բաժնետիրական կապիտալ	431,135	-	-	431,135
Շահաբաժիններ	-	-	(8,622,697)	(8,622,697)
Գործարքներ սեփականատերերի հետ	431,135	-	(8,622,697)	(8,191,562)
2024թ. դեկտեմբերի 31-ի դրությամբ մնացորդ	1,370,093	141,000	8,788,869	10,299,962

Սեփական կապիտալում փոփոխությունների մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 13-ից մինչև 42-րդ էջերում ներկայացված կից ծանոթագրությունների հետ մեկտեղ:

Դրամական միջոցների հոսքերի մասին հաշվետվություն

Հազար ՀՀ դրամ	2024թ.	2023թ.
Գործառնական գործունեությունից դրամական միջոցների հոսքեր		
Տարվա շահույթ	8,833,360	12,147,765
Ճշգրտումներ¹		
Մաշվածություն և անորոշագիս	1,555,757	1,471,718
Հիմնական միջոցների օտարումից (օգուտ) վնաս	(3,837)	74,004
Վարձակալության պարտավորության իրական արժեքի փոփոխություն	(16,158)	(12,124)
Առևտրային դեբիտորական պարտքերի արժեզրկում կորուստ	14,702	-
Ֆինանսական ծախս	182,852	72,183
Շահութահարկի գծով ծախս	2,095,823	2,579,154
Ֆինանսական եկամուտ	(80,527)	(29,622)
Փոխարժեքային տարբերությունից (օգուտ) վնաս	596,385	(462,891)
Գործառնական շահույթ նախքան շրջանառու կապիտալի փոփոխությունները	13,178,357	15,840,187
Առևտրային և այլ դեբիտորական պարտքերի փոփոխություն	3,113,285	(2,977,197)
Պաշարների փոփոխություն	(87,471)	(98,818)
Առևտրային և այլ կրեդիտորական պարտքերի փոփոխություն	890,140	1,175,864
Գործառնական գործունեությունից ստացված դրամական միջոցներ	17,094,311	13,940,036
Վճարված տոկոսներ	(179,934)	(24)
Վճարված շահութահարկ	(2,749,730)	(1,737,786)
Գործառնական գործունեությունից ստացված զուտ դրամական միջոցներ	14,164,647	12,202,226

Դրամական միջոցների հոսքերի մասին հաշվետվություն (շարունակություն)

Հազար ՀՀ դրամ	2024թ.	2023թ.
Ներդրումային գործունեությունից դրամական միջոցների հոսքեր		
Հիմնական միջոցների և ոչ նյութական ակտիվների ձեռքբերում	(1,117,300)	(1,399,173)
Հիմնական միջոցների վաճառքից մուտքեր	232,345	-
Ստացված տոկոսային եկամուտ	80,527	29,622
Ներդրումային գործունեության համար օգտագործված զուտ դրամական միջոցներ	(804,428)	(1,369,551)
Ֆինանսավորման գործունեությունից դրամական միջոցների հոսքեր		
Բաժնետիրական կապիտալի թողարկումից մուտքեր	431,135	518,124
Վարկերի և փոխառությունների և վարձակալական պարտավորությունների մարում	(509,682)	(768,669)
Վճարված շահաբաժիններ	(8,622,697)	(10,362,481)
Ֆինանսավորման գործունեության համար օգտագործված զուտ դրամական միջոցներ	(8,701,244)	(10,613,026)
Դրամական միջոցների և դրանց համարժեքների զուտ աճ	4,658,975	219,649
Արտարժույթի փոխարժեքի ազդեցությունը դրամական միջոցների վրա	(102,741)	24,848
Դրամական միջոցների և դրանց համարժեքներ տարվա սկզբում	5,215,766	4,971,269
Դրամական միջոցների և դրանց համարժեքներ տարվա վերջում	9,772,000	5,215,766

Դրամական միջոցների հոսքերի մասին հաշվետվությունը պետք է ընթերցվի այս ֆինանսական հաշվետվությունների բաղկացուցիչ մասը կազմող 13-ից մինչև 42-րդ էջերում ներկայացված կից ծանոթագրությունների հետ մեկտեղ:

Ֆինանսական հաշվետվություններին կից ճանապարհորդություններ

«Սոֆթ Կոնստրակտ» ՓԲԸ

2024թ. դեկտեմբերի 31-ին ավարտված տարվա համար (արտահայտված
հազար հայկական (<<) դրամով)

1 Գործառնությունների բնույթը

«Սոֆթ Կոնստրակտ» ՓԲԸ-ի (Ընկերություն) գործունեության հիմնական տեսակներն են՝

- ինտերնետ շահումով խաղերի կազմակերպում,
- համակարգչային ծրագրերի մշակում, ծրագրային ապահովում,
- վիճակախաղերի կազմակերպում:

2020թ. դեկտեմբերի 30-ին կայացած Ընկերության մասնակիցների արտահերթ ընդհանուր ժողովի թիվ 001-301220 արձանագրության համաձայն՝ Ընկերությունը որոշում է կայացրել վերակազմավորվել որպես փակ բաժնետիրական ընկերություն:

2020թ. հոկտեմբերի 1-ին Ընկերությունը ՀՀ Ֆինանսների նախարարության կողմից ստացել է ինտերնետ շահումով խաղերի կազմակերպման №ԻՇԽ-007 և 2020թ. նոյեմբերի 19-ին վիճակախաղերի կազմակերպման №ՎԽ-026 լիցենզիաները: Ի լրումն առցանց ծառայությունների Ընկերությունը հնարավորություն է տալիս հաճախորդներին կատարել խաղադրույքներ իր գրասենյակներում՝ բեթռոփերում, որոնք 2024թ. -ի դեկտեմբերի 31-ի դրությամբ թվով 6 են (2023թ.՝ 7):

Ընկերության սեփականատերեր են հանդիսանում Վահե Բաղայանը և Վիգեն Բաղայանը:

2 Ընդհանուր տեղեկատվություն, ՖՀՄՍ-ներին համապատասխանության հավաստում և անընդհատության ենթադրություն

«Սոֆթ Կոնստրակտ» ՍՊԸ-ն հիմնադրվել է 2014թ. հուլիսի 22-ին ՀՀ օրենսդրության համաձայն՝ 286.110821383 գրանցման համարով: 2020թ. դեկտեմբերի 30-ին կայացած արտահերթ ընդհանուր ժողովի արձանագրության հիման վրա «Սոֆթ Կոնստրակտ» ՍՊԸ ընկերությունը վերանվանվել է «Սոֆթ Կոնստրակտ» ՓԲԸ-ի (այսուհետ՝ Ընկերություն): Սույն փոփոխությունը գրանցվել է պետական ռեգիստրում 2021թ. մարտի 12-ին՝ ՀՀ օրենսդրության համապատասխան Ընկերությունը ճանաչվել է Սոֆթ Կոնստրակտ» ՍՊԸ-ի իրավահաջորդ:

Ընկերության գրանցման և հիմնական գործունեության հասցեն է ՀՀ, ք. Երևան, Գ. Հովսեփյան 20:

Ընկերության աշխատակիցների միջին թվաքանակը 2024թ. կազմել է 4,674 մարդ (2023թ.՝ 4,310 մարդ):

Սույն ֆինանսական հաշվետվությունները պատրաստվել են համաձայն Ֆինանսական հաշվետվությունների միջազգային ստանդարտների (ՖՀՄՍ), որոնք հաստատվել են Հաշվապահական հաշվառման միջազգային ստանդարտների խորհրդի (ՀՀՄՍԽ) կողմից և Մեկնաբանությունների՝ հաստատված Ֆինանսական հաշվետվությունների մեկնաբանությունների միջազգային կոմիտեի կողմից (ՖՀՄՍԿ):

Ֆինանսական հաշվետվությունները պատրաստվել են անընդհատության հիմունքներով, քանի որ ղեկավարությունը կարծում է, որ Ընկերությունն ունի համապատասխան ռեսուրսներ տեսանելի ապագայում անընդհատ գործունեություն իրականացնելու համար: Այս գնահատումը կատարելիս ղեկավարությունը հաշվի է առել տեղեկատվության լայն շրջանակ, ներառյալ շահութաբերության կանխատեսումը, ֆինանսավորման կարիքները: Գնահատումը ներառում է նաև ողջամտորեն հնարավոր անկումային տնտեսական սցենարների և դրանց հնարավոր ազդեցությունների դիտարկումը Ընկերության շահութաբերության, կապիտալի և իրացվելիության վրա:

Գործարար միջավայր

Հայաստանի գործարար միջավայրը բախվում է մարտահրավերների՝ կապված աշխարհաքաղաքական լարվածության, մասնավորապես՝ Ադրբեջանի կողմից շարունակվող ագրեսիայի և տարածաշրջանային անկայունության հետ: Ուկրաինայի պատերազմն էլ ավելի է բարդացրել իրավիճակը՝ առաջացնելով առևտրի խափանումներ, Ռուսաստանի դեմ պատժամիջոցներ և համաշխարհային գնաճ: Հայաստանի կախվածությունը Ռուսաստանից թուլացել է՝ ազդելով առևտրի, դրամական փոխանցումների և

անվտանգության երաշխիքների վրա՝ դրդելով Հայաստանին դիվերսիֆիկացնել իր տնտեսական հարաբերությունները, թեև դա էլ իր ռիսկերն է պարունակում:

Հայկական դրամի կուրսը հիմնականում մնացել է կայուն, իսկ գնաճը՝ վերահսկվող, չնայած արտաքին գների տատանումներին: Անվտանգության հարցերը և տարածաշրջանային անկայունությունը շարունակում են կարևոր գործոն հանդիսանալ գործարար որոշումների կայացման գործընթացում՝ ազդելով ինչպես ներքին շուկայի, այնպես էլ արտաքին առևտրի վրա: Սակայն կառավարության կողմից ներդրումային օրենսդրության բարեփոխումները, ինչպես նաև որոշ արտոնյալ հարկային ծրագրեր, նպաստում են ներդրումների ներգրավմանը՝ հատկապես տեղեկատվական տեխնոլոգիաների ոլորտում երկարաժամկետ կայունության ուղի ապահովելուն:

Հայաստանի Հանրապետությունը հաշվետու տարում ունեցել է համեմատաբար բաց և զարգացող շուկա՝ տեղեկատվական տեխնոլոգիաների ծառայությունների դինամիկ աճի հատվածով, սակայն այն շարունակում է գործել մի միջավայրում, որտեղ կան կառավարման, օրենսդրական կարգավորումների թափանցիկության և տարածաշրջանային անվտանգության հետ կապված լուրջ մարտահրավերներ: Այս պայմաններում կայուն և երկարաժամկետ ներդրումների համար պահանջվում է համապարփակ մոտեցում՝ բարեփոխումների խթանման և բիզնեսի պաշտպանության մեխանիզմների ամրապնդմամբ :

Տվյալ ֆինանսական հաշվետվություններն արտացոլում են Ընկերության գործունեության վրա՝ Հայաստանի գործարար միջավայրի ազդեցության ղեկավարության գնահատականը: Ընկերության ղեկավարությունը շարունակաբար վերլուծում է տնտեսական իրավիճակը ներկա միջավայրում: Ապագա տնտեսական և քաղաքական իրավիճակը և վերջիններիս ազդեցությունը Ընկերության գործունեության վրա կարող են տարբերվել Ընկերության ղեկավարության ներկա սպասումներից:

3 Նոր և վերանայված ստանդարտներ կամ մեկնաբանություններ

3.1 2024թ. հունվարի 1-ի դրությամբ ընդունված նոր

Ընթացիկ տարում Ընկերությունն ընդունել է իր գործունեության համար կիրառելի և 2024թ. հունվարի 1-ից սկսվող ժամանակաշրջանների համար ուժի մեջ մտած բոլոր նոր և վերանայված ստանդարտները և մեկնաբանությունները, որոնք հրապարակվել են Հաշվապահական հաշվառման միջազգային ստանդարտների խորհրդի (<<ՄՍՄ) և ՀՀՄՄ-ի Մեկնաբանման կոմիտեի (ՄԿ) կողմից:

Նշված փոփոխությունների բնույթը և ազդեցությունը բացահայտված են ստորև:

Ներքոհիշյալ նոր ստանդարտներն ու փոփոխությունները, որոնք առաջին անգամ կիրառվել են 2024թ., որևէ էական ազդեցություն չեն ունեցել Ընկերության ֆինանսական հաշվետվությունների վրա:

- «Պարտավորությունների դասակարգումը որպես ընթացիկ կամ ոչ ընթացիկ» (<<ՄՍ 1 փոփոխություններ),
- «Վարձակալության գծով պարտավորությունը վաճառք և հետադարձ վարձակալությամբ գործարքներում» (<<ՄՍ 16 փոփոխություններ),
- «Մարտահարման շղթայի ֆինանսավորման մեխանիզմներ» (<<ՄՍ 7 և <<ՄՍ 7 փոփոխություններ),:

3.2 Ստանդարտներ, փոփոխություններ և մեկնաբանություններ գործող ստանդարտների վերաբերյալ, որոնք դեռևս չեն գործում և նախօրոք չեն ներդրվել Ընկերության կողմից

Այս ֆինանսական հաշվետվությունների հաստատման ամսաթվի դրությամբ Հաշվապահական հաշվառման միջազգային ստանդարտների խորհրդի (<<ՄՍՄ) կողմից թողարկվել են որոշակի նոր ստանդարտներ, փոփոխություններ և մեկնաբանություններ գործող ստանդարտների վերաբերյալ, որոնք սակայն դեռևս չեն գործում և նախօրոք չեն ներդրվել Ընկերության կողմից:

Ղեկավարությունը կանխատեսում է, որ բոլոր կիրառելի հրապարակումները կներդրվեն Ընկերության հաշվապահական հաշվառման քաղաքականությունում՝ սկսած հրապարակման ուժի մեջ մտնելու ամսաթվին հաջորդող առաջին իսկ ժամանակաշրջանից:

Ղեկավարության կանխատեսմամբ այս փոփոխություններն էական ազդեցություն չեն ունենա
Ընկերության ֆինանսական հաշվետվությունների վրա և ներկայացված են ստորև.

- «Փոխանակելիության բացակայություն» (ՀՀՄՍ 21 փոփոխություն)
- «Ֆինանսական գործիքների դասակարգման և չափման փոփոխություններ» (ՀՀՄՍ 9 և ՀՀՄՍ 7 փոփոխություններ)
- ՀՀՄՍ 18 «Ֆինանսական հաշվետվությունների ներկայացում և բացահայտում»

4 Հաշվապահական հաշվառման էական քաղաքականություն

Ներկայացվող հաշվապահական քաղաքականությունը կիրառվել է ֆինանսական հաշվետվությունների պատրաստման ընթացքում: Հաշվապահական քաղաքականությունը կիրառվել է հետևողականորեն:

4.1 Պատրաստման հիմքերը

Ֆինանսական հաշվետվությունները պատրաստվել են հաշվեգրման սկզբունքով և սկզբնական արժեքի մեթոդով, բացառությամբ որոշ ֆինանսական գործիքների, որոնք ներկայացված են ապագա դրամական հոսքերի ներկա զեղչված արժեքով:

4.2 Կլիմային առնչվող հարցեր

Ընկերությունը և նրա հաճախորդները ապագայում կարող են բախվել կլիմայի հետ կապված զգալի ռիսկերի: Այս ռիսկերը ներառում են ֆինանսական կորստի սպառնալիքը և անբարենպաստ ոչ ֆինանսական ազդեցությունները, որոնք ներառում են կլիմայի փոփոխության քաղաքական, տնտեսական և բնապահպանական արձագանքները: Կլիմայական ռիսկերի հիմնական աղբյուրները սահմանվել են որպես ֆիզիկական և անցումային ռիսկեր:

Ֆիզիկական ռիսկերն առաջանում են եղանակային կտրուկ իրադարձությունների հետևանքով, ինչպիսիք են փոթորիկները, ջրհեղեղները և անտառային հրդեհները, ինչպես նաև կլիմայական պայմանների երկարաժամկետ փոփոխությունները, ինչպիսիք են կայուն բարձր ջերմաստիճանը, ջերմային ալիքները, և երաշտը:

Անցումային ռիսկերը կարող են առաջանալ զրոյական արտանետումներով տնտեսության անցնելու հետևանքով, ինչպիսիք են օրենքների և կանոնակարգերի փոփոխությունները, դատավարությունները, որոնք կապված են չեզոքացման կամ հարմարվելու ծախսերի հետ, և որոշակի ապրանքների, արտադրանքների և ծառայությունների առաջարկի և պահանջարկի փոփոխությունների հետևանքով՝ կապված սպառողների վարքագծի և ներդրողների պահանջարկի փոփոխության հետ:

Այս ռիսկերը ստանում են աճող կարգավորիչ, քաղաքական և հասարակական վերահսկողություն ինչպես երկրի ներսում, այնպես էլ միջազգային մակարդակով: Թեև որոշ ֆիզիկական ռիսկեր կարող են կանխատեսելի լինել, կան զգալի անորոշություններ դրանց դրսևորման չափի և ժամանակի վերաբերյալ: Անցումային ռիսկերի առումով անորոշությունը պահպանվում է առաջիկա կարգավորող և քաղաքական փոփոխությունների, սպառողների պահանջարկի և մատակարարման շղթաների փոփոխությունների հետ կապված:

4.3 Արտարժույթ

Գործառնական և ներկայացման արժույթ

Հայաստանի Հանրապետության ազգային արժույթը հայկական դրամն է (ՀՀ դրամ), որն էլ հանդիսանում է Ընկերության գործառնական արժույթը, քանի որ այն լավագույնս արտացոլում է ֆինանսական հաշվետվությունների հիմքում ընկած իրադարձությունների և Ընկերության գործարքների տնտեսական բովանդակությունը:

Սույն ֆինանսական հաշվետվությունները ներկայացված են հայկական դրամով (եթե այլ բան նշված չէ), քանի որ, ղեկավարության համոզմամբ, այս արժույթն առավել կիրառելի է Ընկերության ֆինանսական հաշվետվություններն օգտագործողների համար: ՀՀ դրամով ներկայացված ամբողջ ֆինանսական տեղեկատվությունը կլորացված է մինչև մոտակա հազար միավորը:

Արտարժույթով գործարքներ

Ֆինանսական հաշվետվություններ պատրաստելիս Ընկերության համար գործառնական արժույթից տարբեր այլ արժույթով իրականացված գործարքները գրանցվում են գործարքի օրվա դրությամբ Հայաստանի Հանրապետության կենտրոնական բանկի (ՀՀ ԿԲ) կողմից հրապարակված փոխարժեքով: Յուրաքանչյուր հաշվետու ամսաթվի դրությամբ արտարժույթով դրամային հոդվածները վերահաշվարկվում են՝ կիրառելով հաշվետու ամսաթվի դրությամբ ՀՀ ԿԲ-ի կողմից հրապարակված փոխարժեքը:

	31 դեկտեմբերի 2024թ.	31 դեկտեմբերի 2023թ.
ՀՀ դրամ/1 ԱՄՆ դոլար	396.56	413.89
ՀՀ դրամ/1 Եվրո	404.79	447.90

Ոչ դրամային հոդվածները չեն վերահաշվարկվում և չափվում են պատմական արժեքով (հաշվարկվում են՝ օգտագործելով գործարքի օրվա դրությամբ գործող փոխարժեքը), բացառությամբ իրական արժեքով հաշվառվող և արտարժույթով արտահայտված ոչ դրամային հոդվածների, որոնք վերահաշվարկվում են իրական արժեքի չափման օրվա դրությամբ գործող փոխարժեքով:

Արտարժույթով գործարքներից, ինչպես նաև արտարժույթով արտահայտված դրամային հոդվածների վերահաշվարկումից առաջացած փոխարժեքային տարբերությունները ճանաչվում են ժամանակաշրջանի շահույթում կամ վնասում:

4.4 Հասույթ

Ընկերության կողմից մատուցվող ծառայություններից հասույթը ներառում է ինտերնետ շահումով խաղային գործունեությունից, այդ թվում՝ առցանց խաղատան գործունեություն, առցանց խաղեր և սպորտային խաղադրույքներ, ինչպես նաև ծրագրային ապահովման և մշակման ծառայություններից հասույթը:

Հիմնվելով Ընկերության գործունեության առանձնահատկությունների վրա՝ խաղային գործունեությունից առաջացող հասույթը դասակարգվում է հետևյալ կերպ՝

- Այն գործունեության մասով, որտեղ Ընկերությունը հանդես է գալիս որպես ծառայություն մատուցող և մատուցում է խաղերի կազմակերպման ծառայություններ (օրինակ՝ առցանց պոկեր և այլ խաղեր, որտեղ Ընկերությունը չունի ռիսկ խաղի ելքի նկատմամբ), հասույթը ճանաչվում է համաձայն ՖՀՄՍ 15-ի՝ «Հասույթ գնորդների հետ պայմանագրերից», պահանջների՝ պայմանագրով նախատեսված կատարման պարտավորությանը համապատասխան: Հասույթը ճանաչվում է հաստատուն միջնորդավճարների չափով, որը կախված է խաղի արդյունքից:
- Այն դեպքերում, երբ Ընկերությունը կրում է արդյունքի հետ կապված ռիսկեր (օրինակ՝ սպորտային խաղադրույքներ կամ առցանց խաղեր, որտեղ Ընկերությունը վաստակում է շահույթ կամ կրում է կորուստ՝ ելնելով խաղի արդյունքից), այդ գործունեությունը դասակարգվում է որպես ածանցյալ ֆինանսական գործիքների գործառնություն և հաշվառվում համաձայն ՖՀՄՍ 9-ի՝ «Ֆինանսական գործիքներ», պահանջների: Այս գործունեությունից հասույթը սկզբնապես ճանաչվում է իրական արժեքով, իսկ հետագայում՝ իրական արժեքով՝ շահույթի կամ վնասի միջոցով՝ «Հասույթ խաղային գործունեությունից» հոդվածում և իրենից ներկայացնում է զուտ շահումները կամ խաղադրույքների կազմակերպման գործունեությունից զուտ օգուտը կամ կորուստը, որոնք չեն ներառում հաճախորդների շահումները և ներկայացվում են առանց ժամանակաշրջանի ընթացքում հաճախորդների լրացուցիչ շահումների գծով կրած ծախսերի: Բաց դիրքերը հաշվառվում են իրական շուկայական արժեքով, իսկ գնահատումից առաջացող օգուտները և կորուստները, ինչպես և փակված դիրքերի գծով իրացված օգուտները և կորուստները ճանաչվում են հասույթում: Կատարված, բայց չփակված խաղադրույքները որպես հասույթ ճանաչվում են խաղի եզրափակման պահին՝ հաճախորդների շահումների դիմաց վճարների հետ զուտ արժեքով:

Հաճախորդների լրացուցիչ շահումների գծով ծախսերը, որոնք վերաբերում են հասույթ առաջացնող կոնկրետ գործառնություններին, հաշվառվում են որպես հասույթի նվազեցում:

Հասույթ ծրագրային ապահովման և մշակման ծառայություններից

Ընկերությունը մատուցում է ծրագրային ապահովման, մշակման, թեստավորման և ներդրման ծառայություններ ընդհանուր վերահսկողության տակ գտնվող կազմակերպությանը պայմանագրային հիմունքներով:

Ծառայությունների մատուցումն իրականացվում է փուլային եղանակով՝ ըստ նախապես սահմանված տեխնիկական առաջադրանքի և կատարման պայմանագրային փուլերի: Հասույթը ճանաչվում է՝ հիմնվելով ՖՀՄՍ 15-ի՝ «Հասույթ գնորդների հետ պայմանագրերից», դրույթների վրա՝ ժամանակի ընթացքում, երբ Ընկերությունը բավարարում է կատարման իր պարտականությունը՝ հաճախորդին փոխանցելով խոստացված ծառայությունը:

Յուրաքանչյուր առանձին կատարման պարտավորության համար հասույթը ճանաչվում է այն ժամանակ, երբ առաջանում է տնտեսական օգուտ ստանալու հավանականություն և երբ ծառայությունն ավարտվում է և հաստատվում է հաճախորդի կողմից՝ ընդունման համապատասխան փաստաթղթով:

4.5 Ոչ նյութական ակտիվներ

Ոչ նյութական ակտիվները, որոնք ձեռք են բերվել Ընկերության կողմից և ունեն օգտակար ծառայության որոշակի ժամկետ, ներկայացված են սկզբնական արժեքով՝ հանած կուտակված ամորտիզացիան և արժեզրկումից կորուստները:

Ամորտիզացիան ճանաչվում է շահույթում կամ վնասում կամ ավելացվում է այլ ակտիվի սկզբնական արժեքին՝ կիրառելով գծային մեթոդը ոչ նյութական ակտիվի օգտակար ծառայության գնահատված ժամկետի ընթացքում, որը կազմում է 10 տարի:

4.6 Հիմնական միջոցներ

Հիմնական միջոցները հաշվառվում են սկզբնական արժեքով՝ հանած կուտակված մաշվածությունը և արժեզրկումից կորուստները: Սկզբնական արժեքը ներառում է ձեռքբերման գինը, ներկրման տուրքերը, հարկերը, որոնք ենթակա չեն վերադարձման, և ուղղակիորեն վերագրվող ծախսումներ: Երբ հիմնական միջոցների միավորը բաղկացած է տարբեր օգտակար ծառայության ժամկետ ունեցող խոշոր բաղկացուցիչներից, դրանք հաշվառվում են որպես հիմնական միջոցի առանձին միավորներ:

Հիմնական միջոցի օտարման կամ դուրսգրման հետևանքով առաջացած օգուտը կամ վնասը որոշվում է վաճառքից հասույթի և ակտիվի հաշվեկշռային արժեքի տարբերությամբ և ճանաչվում է շահույթում կամ վնասում:

Հիմնական միջոցի՝ որպես առանձին ակտիվ հաշվառվող միավորի բաղկացուցիչ փոխարինման ծախսումները կապիտալացվում են դուրս գրված բաղկացուցիչ հաշվեկշռային արժեքի հետ: Այլ հետագա ծախսումները կապիտալացվում են միայն այն ժամանակ, երբ դրանք ավելացնում են հիմնական միջոցի միավորի հետ կապված ապագա տնտեսական օգուտները: Բոլոր այլ ծախսումները, ներառյալ պահպանման և վերանորոգման ծախսումները, ճանաչվում են շահույթում կամ վնասում՝ կատարվելու ժամանակաշրջանում:

Մաշվածությունը ճանաչվում է շահույթում կամ վնասում կամ ավելացվում է այլ ակտիվի սկզբնական արժեքին՝ կիրառելով գծային մեթոդը հիմնական միջոցի օգտակար ծառայության գնահատված ժամկետի ընթացքում: Մաշվածության հաշվարկը սկսվում է այն պահից, երբ ակտիվը դառնում է մատչելի՝ իր նպատակային նշանակությամբ օգտագործելու համար: Հիմնական միջոցների գնահատված օգտակար ծառայության ժամկետները ներկայացված են ստորև.

Մեքենա-սարքավորումներ	- 1-5 տարի
Տրանսպորտային միջոցներ	- 8 տարի
Արտադրական, տնտեսական գույք	- 1-8 տարի
Վարձակալված տարածքի բարելավում	- Վարձակալության ժամկետում
Այլ	- 1-8 տարի:

4.7 Վարձակալված ակտիվներ

Ընկերությունը՝ որպես վարձակալ

Ընկերությունը կնքում է վարձակալական պայմանագրեր գրասենյակային տարածքների և խաղային կենտրոնների համար: Գրասենյակային տարածքների գծով վարձակալական պայմանագրերը սովորաբար կնքվում են անորոշ ժամկետով, իսկ որոշակի ժամկետով կնքված լինելու դեպքում ունեն երկարաձգման պայմաններ: Ընկերությունը չի կնքում վաճառքի և հետադարձ վարձակալության պայմանագրեր: Բոլոր վարձակալության պայմանագրերը կնքվում են անհատական հիմունքներով և պարունակում են տարբեր պայմաններ:

Ընկերությունը գնահատում է, թե արդյոք պայմանագիրը վարձակալական է, կամ պարունակում է վարձակալություն պայմանագրի գործողության սկզբում: Վարձակալության պայմանագիրն իրավունք է տալիս որոշակի ժամանակահատվածում սահմանելու որոշակիացված ակտիվի օգտագործման ուղղությունները և ստանալու որոշակիացված ակտիվից բոլոր տնտեսական օգուտները՝ փոխհատուցման դիմաց:

Վարձակալության ճանաչումը և չափումը որպես վարձակալ

Վարձակալության մեկնարկի ամսաթվի դրությամբ, Ընկերությունն իր ֆինանսական վիճակի մասին հաշվետվությունում ճանաչում է օգտագործման իրավունքի ձևով ակտիվը և վարձակալության գծով պարտավորությունը: Օգտագործման իրավունքի ձևով ակտիվը չափվում է սկզբնական արժեքով, որը ձևավորվում է վարձակալության գծով պարտավորության սկզբնական չափումից, Ընկերության կատարած ցանկացած սկզբնական ուղղակի ծախսերից, վարձակալության ժամկետի ավարտին ակտիվի ապատեղակայման և քանդման ցանկացած ծախսի գնահատումից և նախքան վարձակալության մեկնարկի ամսաթիվը կատարված ցանկացած վարձակալական վճարներից (հանած ստացված ցանկացած խրախուսումները):

Ընկերությունը հաշվարկում է օգտագործման իրավունքի ձևով ակտիվի մաշվածությունը գծային հիմունքով վարձակալության մեկնարկի ամսաթվից մինչև օգտագործման իրավունքի ձևով ակտիվի օգտակար ծառայության ավարտի ամսաթվից կամ վարձակալության ժամկետի ավարտի ամսաթվից ամենավաղը: Ընկերությունը նաև գնահատում է օգտագործման իրավունքի ձևով ակտիվն արժեզրկման համար, երբ այդպիսի ցուցանիշներ կան:

Մեկնարկի ամսաթվին Ընկերությունը չափում է վարձակալության գծով պարտավորությունն այդ ամսաթվին դեռևս չվճարված վարձավճարների ներկա արժեքով՝ դրանք գեղջելով՝ կիրառելով վարձակալությամբ ենթադրվող տոկոսադրույքը, եթե այդ դրույքը կարելի է հեշտությամբ որոշել, կամ Ընկերության լրացուցիչ փոխառության տոկոսադրույքը:

Վարձակալության գծով պարտավորության չափման մեջ ներառվող վարձավճարները պարունակում են հաստատուն վճարումներ (ներառյալ՝ ըստ էության հաստատուն վճարումներ), վարձակալության փոփոխում վճարումներ, որոնք կախված են ինդեքսից կամ դրույքից, գումարներ, որոնք, ինչպես սպասվում է կվճարվեն մնացորդային արժեքի երաշխիքի ներքո և վճարումներից, որոնք առաջանում են օպցիոններից, որոնց իրագործման վերաբերյալ կա խելամիտ համոզմունք:

Սկզբնական չափումից հետո պարտավորությունը կնվազեցվի կատարված վճարումների և կմեծացվի տոկոսների չափով: Այն վերաչափվում է՝ արտացոլելու ցանկացած վերագնահատում կամ փոփոխություն, կամ եթե առկա են փոփոխություններ ըստ էության հաստատուն վճարումներում:

Երբ վարձակալության գծով պարտավորությունը վերաչափվում է, համապատասխան ճշգրտումն արտացոլվում է օգտագործման իրավունքի ձևով ակտիվում կամ շահույթում և վնասում, եթե օգտագործման իրավունքի ձևով ակտիվը նվազեցվել է գրոյի:

Ընկերությունը կարճաժամկետ վարձակալությունների և փոքրարժեք ակտիվների վարձակալությունների հաշվառման համար ընտրել է գործնական մոտեցումներ: Օգտագործման իրավունքի ձևով ակտիվ և վարձակալության գծով պարտավորություն ճանաչելու փոխարեն, դրանց հետ կապված վճարումները վարձակալության ժամկետի ընթացքում ճանաչվում են շահույթում կամ վնասում որպես ծախս՝ գծային հիմունքով:

4.8 Հիմնական միջոցների և ոչ նյութական ակտիվների արժեզրկում

Անորոշ օգտակար ծառայության ժամկետ ունեցող ակտիվները չեն անորոշագրվում և յուրաքանչյուր տարի ենթարկվում են արժեզրկման ստուգման: Մաշվող ակտիվներն արժեզրկման համար վերանայվում են, երբ իրադարձությունները և հանգամանքների փոփոխությունները վկայում են այն մասին, որ դրանց հաշվեկշռային արժեքը կարող է չվերականգնվել: Արժեզրկման կորուստը ճանաչվում է այն գումարով, որով ակտիվի հաշվեկշռային արժեքը գերազանցում է փոխհատուցվող գումարը:

Փոխհատուցվող գումարը վաճառքի զուտ գնից և օգտագործման արժեքից առավելագույնն է: Եթե ակտիվի կամ դրամաստեղծ միավորի փոխհատուցվող գումարն ավելի փոքր է նրա հաշվեկշռային արժեքից, ապա ակտիվի կամ դրամաստեղծ միավորի հաշվեկշռային արժեքը նվազեցվում է մինչև փոխհատուցվող գումարը: Արժեզրկումից կորուստներն անմիջապես ճանաչվում են որպես ծախս:

Երբ հետագայում արժեզրկումից կորուստը հակադարձվում է, ապա ակտիվի կամ դրամաստեղծ միավորի հաշվեկշռային արժեքը պետք է ավելացվի մինչև նրա փոխհատուցվող գումարը, բայց այնպես, որ ակտիվի ավելացված հաշվեկշռային արժեքը չգերազանցի այն հաշվեկշռային արժեքը, որը որոշված կլիներ, եթե նախորդ տարիներին այդ ակտիվի կամ դրամաստեղծ միավորի գծով արժեզրկումից կորուստներ ճանաչված չլինեին: Արժեզրկումից կորուստի հակադարձումն անմիջապես ճանաչվում է որպես եկամուտ:

4.9 Ֆինանսական գործիքներ

Ընկերությունը գործարքներ է կնքում միայն հիմնական ֆինանսական գործիքներով, որոնք հանգեցնում են ֆինանսական ակտիվների և պարտավորությունների ճանաչմանը, ինչպիսիք են՝ առևտրային և այլ դեբիտորական և կրեդիտորական պարտքերը, բանկային միջոցները և վարձակալության գծով պարտավորությունները:

Ֆինանսական ակտիվները, որոնք չափվում են սկզբնական արժեքով և անորոշագրված արժեքով, գնահատվում են յուրաքանչյուր հաշվետու ժամանակաշրջանի վերջում արժեզրկման օբյեկտիվ ապացույցների դեպքում: Եթե հայտնաբերվում են արժեզրկման օբյեկտիվ ապացույցներ, արժեզրկումից կորուստը ճանաչվում է Ֆինանսական գործունեության մասին հաշվետվությունում:

Անորոշագրված արժեքով չափվող ֆինանսական ակտիվների համար արժեզրկումից կորուստը չափվում է որպես ակտիվի հաշվեկշռային արժեքի և ակտիվի սկզբնական արդյունավետ տոկոսադրույքով զեղչված գնահատված դրամական միջոցների հոսքերի ներկա արժեքի տարբերություն: Եթե ֆինանսական ակտիվն ունի փոփոխական տոկոսադրույք, ապա արժեզրկումից կորուստը չափելու համար զեղչման տոկոսադրույքը պայմանագրով որոշված ընթացիկ արդյունավետ տոկոսադրույքն է:

Ֆինանսական ակտիվները և պարտավորությունները հաշվանցվում են, և զուտ գումարը ներկայացվում է Ֆինանսական գործունեության մասին հաշվետվությունում, երբ առկա է ճանաչված գումարները հաշվանցելու իրավաբանորեն ամրագրված իրավունք, և կա մտադրություն զուտ հիմունքներով մարել կամ ակտիվն իրացնել և պարտավորությունը միաժամանակ մարել:

Ճանաչում և ապաճանաչում

Ֆինանսական ակտիվները և ֆինանսական պարտավորությունները ճանաչվում են, երբ Ընկերությունը դառնում է ֆինանսական գործիքի պայմանագրային կողմ:

Ֆինանսական ակտիվներն ապաճանաչվում են, երբ լրանում են ֆինանսական ակտիվից ակնկալվող դրամական հոսքերի նկատմամբ պայմանագրային իրավունքները, կամ այն ժամանակ, երբ ֆինանսական ակտիվները բոլոր նշանակալից ռիսկերով ու հատուցումներով փոխանցվում են երրորդ կողմին:

Ֆինանսական պարտավորություններն ապաճանաչվում են, երբ դրանք մարվում են, վճարման ենթակա չեն, չեղյալ են ճանաչվել կամ լրացել է դրանց ուժի մեջ լինելու ժամկետը:

Ֆինանսական ակտիվների դասակարգումը և սկզբնական չափումը

Բոլոր ֆինանսական ակտիվները սկզբնապես չափվում են իրական արժեքով՝ գումարած գործարքի հետ կապված ծախսումները, բացառությամբ այն առևտրային դեբիտորական պարտքերի, որոնք չեն պարունակում էական ֆինանսական բաղադրիչ և չափվում են գործարքի գնով՝ ՖՀՄՄ 15-ի պահանջներին համապատասխան:

Ֆինանսական ակտիվների հետագա չափումը

Ֆինանսական ակտիվները հաշվառվում են ամորտիզացված արժեքով, եթե ակտիվները բավարարում են հետևյալ պայմաններին (և չեն դասակարգված որպես իրական արժեքով՝ շահույթի կամ վնասի միջոցով չափվող)։

- դրանք պահվում են այն բիզնես մոդելի շրջանակներում, որի նպատակն է պահել ֆինանսական ակտիվները և հավաքագրել դրանց հետ կապված պայմանագրային դրամական հոսքերը,
- ֆինանսական ակտիվների պայմանագրային պայմաններն առաջացնում են դրամական հոսքեր, որոնք հանդիսանում են միայն մայր գումարի և չմարված մայր գումարի վրա հաշվարկված տոկոսների վճարումներ։

Սկզբնական ճանաչումից հետո այս ակտիվները չափվում են ամորտիզացված արժեքով՝ կիրառելով արդյունավետ տոկոսադրույքի մեթոդը։ Այն դեպքերում, երբ գեղջման ազդեցությունն աննշան է, գեղջում չի կատարվում։ Ֆինանսական գործիքների այս կատեգորիայում են դասակարգվում Ընկերության դրամական միջոցները և դրանց համարժեքները, առևտրային դեբիտորական պարտքերը և այլ դեբիտորական պարտքերի մեծամասնությունը։

Ֆինանսական ակտիվներին առնչվող ամբողջ եկամուտը և ծախսերը, որոնք ճանաչվում են շահույթում կամ վնասում, արտացոլված են ֆինանսական ծախսերում, ֆինանսական եկամուտում կամ այլ ֆինանսական արդյունքներում, բացառությամբ առևտրային դեբիտորական պարտքերի արժեզրկման, որն արտացոլված է այլ ծախսերում։ Ընկերության ֆինանսական ակտիվները, ըստ կատեգորիաների ներկայացված են Ծանոթագրություն 12.1-ում։

Ֆինանսական ակտիվների արժեզրկում

Ակնկալվող պարտքային կորուստները ճանաչելու համար ՖՀՄՍ 9-ում արժեզրկմանը ներկայացված պահանջներում օգտագործվում է ապագային առնչվող տեղեկատվություն՝ «Ակնկալվող պարտքային կորուստների մոդելը»։ ՖՀՄՍ 9-ի պահանջների շրջանակներում ընդգրկվող գործիքները ներառում են ֆինանսական ակտիվները, որոնք չափվում են ամորտիզացված արժեքով և առևտրային կրեդիտորական պարտքերը և վարձակալության գծով պարտավորությունները։

Պարտքային կորուստների ճանաչումն այլևս կախված չէ Ընկերության՝ պարտքային կորուստը բնորոշող իրադարձության սկզբնական բացահայտումից։ Փոխարենը, պարտքային դիսկը գնահատելիս և ակնկալվող պարտքային կորուստները չափելիս Ընկերությունը դիտարկում է ավելի ընդլայնված տեղեկատվություն ներառյալ անցյալ իրադարձությունները, ընթացիկ պայմանները, խելամիտ և հիմնավորված կանխատեսումները, որոնք ազդեցություն ունեն գործիքի ապագա դրամական հոսքերի ակնկալվող հավաքագրելիության վրա։

Առևտրային և այլ դեբիտորական պարտքեր և պայմանագրային ակտիվներ

Ընկերությունը հաշվառում է առևտրային և այլ դեբիտորական պարտքերը և պայմանագրային ակտիվներն՝ օգտվելով պարզեցված մոտեցումից և կորստի գծով պահուստը ձևակերպում է որպես գործողության ամբողջ ժամանակահատվածի ընթացքում ակնկալվող պարտքային կորուստներ։ Դրանք իրենցից ներկայացնում են պայմանագրային դրամական հոսքերի ակնկալվող դադարեցումները՝ հաշվի առնելով ֆինանսական ակտիվի գործողության ժամկետի ամբողջ ընթացքում ցանկացած պահի չմարվելու հնարավորությունը։ Ակնկալվող պարտքային կորուստները հաշվարկելիս Ընկերությունն օգտագործում է պահուստի մատրիցան՝ ելնելով պատմական փորձից, արտաքին ցուցանիշներից և ապագային առնչվող տեղեկատվությունից։

Ֆինանսական պարտավորությունների դասակարգումը և չափումը

Ընկերության ֆինանսական պարտավորությունները ներառում են առևտրային և այլ կրեդիտորական պարտքերը և վարձակալության գծով պարտավորությունները։ Ընկերության ֆինանսական պարտավորությունները, ըստ կատեգորիաների, ներկայացված են Ծանոթագրություն 12.1-ում։

Առևտրային և այլ կրեդիտորական պարտքեր

Առևտրային և այլ կրեդիտորական պարտքերը ճանաչվում են իրական արժեքով, հետագայում չափվում են ամորտիզացված արժեքով։

4.10 Պաշարներ

Պաշարներն այն ակտիվներն են, որոնք պահվում են սովորական գործունեության ընթացքում օգտագործելու համար: Պահեստամասերը, վթարային սարքավորումները և օժանդակ սարքավորումները նույնպես ճանաչվում են որպես պաշար, եթե դրանք չեն համապատասխանում հիմնական միջոցների սահմանմանը:

Պաշարները հաշվառվում են ինքնարժեքից և իրացման զուտ արժեքից նվազագույնով: Իրացման զուտ արժեքը սովորական գործունեության ընթացքում վաճառքի ձևավորվող գինն է՝ հանած համալրման և վաճառքը կազմակերպելու համար անհրաժեշտ ծախսումները: Պաշարների ինքնարժեքը հաշվարկվում է՝ օգտագործելով առաջին մուտք՝ առաջին ելք (ԱՄԱԵ) մեթոդը, և ներառում է պաշարների ձեռքբերման, ինչպես նաև դրանք՝ իրենց ներկայիս վիճակին և գտնվելու վայր հասցնելու ծախսերը:

4.11 Պահուստներ

Պահուստը ճանաչվում է ֆինանսական վիճակի մասին հաշվետվությունում, երբ Ընկերությունն ունի իրավական կամ կառուցողական պարտականություն՝ որպես անցյալ դեպքերի արդյունք, և եթե հավանական է, որ պարտականությունը մարելու նպատակով կպահանջվի տնտեսական օգուտների արտահոսք: Եթե դրա ազդեցությունը զգալի է, ապա պահուստը որոշվում է ապագա դրամական արտահոսքերի գեղջման միջոցով՝ օգտագործելով մինչև հարկումը տոկոսադրույքը, որն արտացոլում է դրամի ժամանակային արժեքի վերաբերյալ շուկայի ընթացիկ գնահատումները և, կիրառելիության դեպքում, պարտավորությանը վերագրվող յուրահատուկ ռիսկերը:

4.12 Շահութահարկ

Ընթացիկ հարկ

Ընթացիկ շահութահարկը տարվա համար հարկվող շահույթից վճարվելիք հարկն է՝ հաշվետու ամսաթվին գործող կամ ըստ էության գործող հարկային դրույքաչափերով՝ հաշվի առնելով նախորդ տարիների համար վճարվելիք հարկերի ճշգրտումները:

Հետաձգված հարկ

Հետաձգված հարկը հաշվարկվում է ակտիվների ու պարտավորությունների հաշվեկշռային արժեքների և շահութահարկի հաշվարկման ժամանակ օգտագործվող համապատասխան հարկային բազաների միջև ժամանակավոր տարբերություններից: Հետաձգված հարկային պարտավորությունները ճանաչվում են բոլոր հարկվող ժամանակավոր տարբերությունների համար: Հետաձգված հարկային ակտիվները պետք է ճանաչվեն բոլոր նվազեցվող ժամանակավոր տարբերությունների համար այն չափով, որքանով որ հավանական է հարկվող շահույթի ստացում, որի դիմաց կարող է օգտագործվել նվազեցվող ժամանակավոր տարբերությունը: Այսպիսի հետաձգված հարկային ակտիվներն ու պարտավորությունները չեն ճանաչվում, եթե ժամանակավոր տարբերությունն առաջանում է գույքի սկզբնական ճանաչումից կամ այլ ակտիվների և պարտավորությունների սկզբնական ճանաչումից այնպիսի գործարքում, որը գործարքի պահին չի ազդում ո՛չ հաշվապահական շահույթի, ո՛չ էլ հարկվող շահույթի վրա (բացի ձեռնարկատիրական գործունեության միավորումներից):

Հետաձգված հարկային ակտիվների հաշվեկշռային արժեքը վերանայվում է յուրաքանչյուր հաշվետու ժամանակաշրջանի վերջում և նվազեցվում է այն չափով, որով այլևս հավանական չէ, որ Ընկերությունը կստանա բավարար հարկվող շահույթ, որը թույլ կտա հետաձգված հարկային ակտիվից օգուտն ամբողջությամբ կամ մասամբ իրացնել:

Հետաձգված հարկային ակտիվներն ու պարտավորությունները չափվում են հարկերի այն դրույքների օգտագործմամբ, որոնց կիրառման մեջ լինելն ակնկալվում է ակտիվի իրացման կամ պարտավորության մարման ժամանակ՝ հիմք ընդունելով հարկերի այն դրույքները (և հարկային հարաբերություններ կարգավորող նորմատիվ իրավական ակտերը), որոնք ուժի մեջ են եղել կամ ըստ էության ուժի մեջ են եղել հաշվետու ժամանակաշրջանի վերջում: Հետաձգված հարկային պարտավորությունների և հետաձգված հարկային ակտիվների չափումն արտացոլում է հարկային հետևանքները, որոնք երևան են գալու կախված այն եղանակից, որով Ընկերությունը հաշվետու ամսաթվի դրությամբ ակնկալում է փոխհատուցել կամ մարել իր ակտիվների կամ պարտավորությունների հաշվեկշռային արժեքները:

4.13 Դրամական միջոցներ և դրանց համարժեքներ

Դրամական միջոցները և դրանց համարժեքները ներառում են կանխիկ միջոցները, բանկային հաշիվների մնացորդները և դրամական միջոցները՝ ճանապարհին:

Դրամական միջոցների հոսքերի մասին հաշվետվության նպատակով՝ դրամական միջոցների համարժեքները կարճաժամկետ, բարձր իրացվելի ներդրումներն են, որոնք հեշտ փոխարկվում են դրամական միջոցների՝ նախապես հայտնի գումարներով, և որոնց արժեքի փոփոխման ռիսկը նշանակալի չէ: Դրամական միջոցների համարժեքները պահվում են կարճաժամկետ դրամական պարտավորությունները բավարարելու նպատակով, այլ ոչ թե ներդրման կամ այլ նպատակներով: Ընկերությունը դասակարգում է ներդրումները որպես դրամական միջոցների համարժեքներ այն դեպքում, եթե դրանք հեշտ փոխարկվում են դրամական միջոցների՝ նախապես հայտնի գումարներով, և որոնց արժեքի փոփոխման ռիսկը նշանակալի չէ:

4.14 Սեփական կապիտալ, պահուստներ և շահաբաժինների վճարումներ

Ընկերության կողմից թողարկվող կապիտալի գործիքները հաշվառվում են անվանական արժեքով:

Կանոնադրական կապիտալն իրենից ներկայացնում է թողարկված բաժնետոմսերի նոմինալ արժեքը:

Կուտակված շահույթը ներառում է ընթացիկ և նախորդ ժամանակաշրջանների չբաշխված շահույթը:

Սեփականատերերի հետ բոլոր գործարքներն առանձին-առանձին գրանցված են սեփական կապիտալում:

Շահաբաժինները ճանաչվում են որպես պարտավորություն այն ժամանակաշրջանում, երբ դրանք հայտարարվում են:

4.15 Հատուցումներ աշխատակիցներին

Կարճաժամկետ հատուցումներն աշխատակիցներին այն հատուցումներն են, որոնք ենթակա են մարման ամբողջությամբ տարեկան այն հաշվետու ժամանակաշրջանի ավարտից հետո տասներկու ամսվա ընթացքում, որում աշխատակիցները մատուցել են համապատասխան ծառայությունները: Դրանք ներառում են՝

- (ա) աշխատավարձերը և պարգևավճարները,
- (բ) վճարովի տարեկան արձակուրդները և անաշխատունակության հետ կապված վճարովի արձակուրդները,

Երբ աշխատակիցները հաշվետու ժամանակաշրջանի ընթացքում Ընկերությանը մատուցում են ծառայություններ, Ընկերությունն աշխատակիցների կարճաժամկետ հատուցումների չգեղջված գումարը, որն ակնկալվում է վճարել այդ ծառայությունների դիմաց, ճանաչում է՝

- (ա) որպես պարտավորություն (հաշվեգրված ծախս)՝ արդեն վճարված ցանկացած գումար հանելուց հետո: Եթե արդեն վճարված գումարը գերազանցում է հատուցումների չգեղջված գումարը, Ընկերությունը պետք է ճանաչի այդ տարբերությունը որպես ակտիվ (կանխավճարված ծախս)՝ այն չափով, որով կանխավճարը կհանգեցնի ապագա վճարումների կրճատման կամ դրամական միջոցների վերադարձի,
- (բ) որպես ծախս, եթե գումարը չի ներառվել այլ ակտիվի արժեքի մեջ:

Վճարովի բացակայություններ

Վճարովի բացակայությունների ձևով աշխատակիցների կարճաժամկետ հատուցումների գծով ակնկալվող ծախսումները ճանաչվում են հետևյալ կերպ.

- (ա) կուտակվող վճարովի բացակայությունների դեպքում՝ այն ժամանակ, երբ աշխատակիցները ծառայություն են մատուցում, որն ավելացնում է իրենց իրավունքներն ապագա վճարովի բացակայությունների նկատմամբ,
- (բ) չկուտակվող վճարովի բացակայությունների դեպքում՝ այն ժամանակ, երբ բացակայությունը տեղի է ունենում:

Պարզևավճարներ

Պարզևավճարների գծով ակնկալվող ծախսումները ճանաչվում են միայն այն ժամանակ, երբ Ընկերությունն ունի այդպիսի վճարումներ կատարելու ներկա իրավական կամ կառուցողական պարտականություն՝ որպես անցյալ դեպքերի արդյունք, և պարտականությունը հնարավոր է արժանահավատորեն գնահատել:

Ներկա պարտականություն գոյություն ունի այն և միայն այն դեպքում, երբ Ընկերությունը վճարում է կատարելու ոչ մի իրատեսական այլընտրանք չունի:

4.16 Հաշվապահական հաշվառման քաղաքականության կիրառման ընթացքում ղեկավարության կատարած նշանակալի դատողություններ և գնահատման անորոշություն

ՖՀՄՍ-ներին համապատասխան ֆինանսական հաշվետվությունների պատրաստումը պահանջում է, որ Ընկերության ղեկավարությունը կարևոր գնահատումներ և ենթադրություններ կատարի, որոնք ազդեցություն են գործում ֆինանսական հաշվետվությունների ամսաթվի դրությամբ ակտիվների և պարտավորությունների գումարների, ինչպես նաև հաշվետու տարվա եկամուտների և ծախսերի գումարների վրա:

Ենթադրությունները և դատողությունները շարունակաբար գնահատվում են և հիմնված են պատմական փորձի, ինչպես նաև այլ ցուցանիշների վրա, ներառյալ ապագա ակնկալվող իրադարձությունները, որոնք տվյալ հանգամանքներում համարվում են ընդունելի:

Ընկերությունն իրականացնում է ապագային վերաբերող գնահատումներ և ենթադրություններ: Այդ հաշվապահական գնահատականները կարող են չհամապատասխանել իրական արդյունքներին: Ստորև ներկայացված են այն գնահատումներն ու ենթադրությունները, որոնց գծով առկա է ռիսկ, որ հաջորդ ֆինանսական տարում ակտիվների և պարտավորությունների հաշվեկշռային արժեքները կենթարկվեն էական ճշգրտումների:

Հիմնական միջոցների և ոչ նյութական ակտիվների օգտակար ծառայության ժամկետներ

Ղեկավարությունը կատարել է հիմնական միջոցների և ոչ նյութական ակտիվների օգտակար ծառայության ժամկետների գնահատում: Ղեկավարության համոզմամբ գնահատված հիմնական միջոցների և ոչ նյութական ակտիվների օգտակար ծառայության ժամկետներն էականորեն չեն տարբերվում այդ ակտիվների տնտեսական կյանքից: Եթե հիմնական միջոցների և ոչ նյութական ակտիվների փաստացի օգտակար ծառայության ժամկետները տարբերվեն գնահատումներից, ապա ֆինանսական հաշվետվությունները կարող են էականորեն տարբերվել:

Իրական արժեքի չափումը

Այն պարագայում, երբ գործող շուկաների տվյալները բացակայում են, ֆինանսական գործիքների իրական արժեքը որոշելու համար ղեկավարությունն օգտագործում է գնահատման մեթոդներ: Այս գործընթացն ընդգրկում է գնահատումների և ենթադրությունների մշակում, որոնք համահունչ են նրա հետ, թե ինչպես շուկայի մասնակիցները կգնահատեն գործիքը: Ղեկավարությունն իր ենթադրությունների համար որպես հիմք է վերցնում դիտարկելի տեղեկատվությունը, սակայն այդպիսի տեղեկատվությունը միշտ չէ, որ հասանելի է: Այս պարագայում ղեկավարությունն օգտագործում է հասանելի լավագույն տեղեկատվությունը: Գնահատված իրական արժեքը կարող է տարբերվել հաշվետու ամսաթվի դրությամբ իրական գներից, որոնք կարող են ստացվել պարզաձև ձեռքի գործարքի պարագայում (տե՛ս Ծանոթագրություն 24):

4.17 Հաշվապահական հաշվառման քաղաքականության կիրառման ընթացքում կատարված կարևոր դատողություններ

Ստորև ներկայացված են ղեկավարության՝ հաշվապահական հաշվառման քաղաքականության կիրառման ընթացքում կատարված դատողությունները, որոնք ամենաէական ազդեցությունն ունեն ֆինանսական հաշվետվությունների վրա:

Խաղային գործունեությունից հասույթի ճանաչումը

Ընկերությունը կիրառել է էական հաշվապահական դատողություն՝ խաղային գործունեությունից ստացվող որոշակի հասույթը ՖՀՄՍ 9 «Ֆինանսական գործիքներ» ստանդարտի շրջանակում որպես ածանցյալ ֆինանսական գործիք դասակարգելու մասով, քանի որ այդ խաղային գործունեության արդյունքում առաջացող ֆինանսական հոսքերը կախված են անորոշ իրադարձություններով պայմանավորված պատահական ելքից և չեն ապահովում հաստատուն վճարում, ինչի արդյունքում այդ գործարքները չեն դիտարկվում որպես ՖՀՄՍ 15-ի «Հասույթ գնորդների հետ պայմանագրերից» համատեքստում հաշվառվող ծառայությունների մատուցում:

Հետաձգված հարկային ակտիվների ճանաչումը

Այն չափը, որով կարող է ճանաչվել հետաձգված հարկային ակտիվ, կախված է այն հավանականության գնահատումից, թե արդյո՞ք ապագայում հասանելի կլինի եկամուտ, որի դիմաց կիրացվեն նվազեցման ենթակա ժամանակավոր տարբերությունները և նախորդ ժամանակաշրջաններից բերված հարկային վնասը: Ի լրումն, անհրաժեշտ է էական դատողություն հարկային միջավայրում իրավական և տնտեսական սահմանափակումների և անորոշությունների գնահատման ժամանակ:

5 Ֆինանսական հաշվետվությունների վերաներկայացում

Ընկերությունը կիրառում է հաշվապահական հաշվառման քաղաքականության փոփոխությունները և իրականացնում է նախորդ տարիների սխալների ուղղումը հետընթաց՝ դրանց հայտնաբերումից հետո թողարկման համար հայտարարված ֆինանսական հաշվետվությունների առաջին փաթեթում՝ վերահաշվարկելով ներկայացված նախորդ ժամանակաշրջանների համեմատելի այն գումարները, որոնցում տեղի է ունեցել սխալը, կամ եթե սխալը տեղի է ունեցել նախքան ամենավաղ ներկայացված ժամանակաշրջանը, այդ դեպքում՝ վերահաշվարկելով ներկայացված ամենավաղ նախորդ ժամանակաշրջանի համար ակտիվների, պարտավորությունների և սեփական կապիտալի սկզբնական մնացորդները: Ֆինանսական հաշվետվությունները, ներառյալ նախորդ տարիների համադրելի տեղեկատվությունը, ներկայացված են այնպես, կարծես ուղղումը կատարվել է այն ժամանակաշրջանում, որի ընթացքում առաջացել է դրա կատարման անհրաժեշտությունը: Հետևաբար, յուրաքանչյուր ներկայացված ժամանակաշրջանին վերաբերող ուղղման գումարը վերագրվում է այդ տարվա ֆինանսական տեղեկատվությանը:

Համադրելի ֆինանսական հաշվետվությունների վերաներկայացում

Հաշվետու տարում Ընկերությունը վերաներկայացրել է Շահույթի կամ վնասի և այլ համապարփակ ֆինանսական արդյունքի մասին հաշվետվության ներկայացման ձևաչափը, ինչպես նաև ֆինանսական վիճակի մասին հաշվետվության որոշ հոդվածների ներկայացման չափանիշները, ինչի արդյունքում վճարահաշվարկային համակարգերի միջոցով հավաքագրվող միջոցների գծով 4,699,160 հազար ՀՀ դրամ մնացորդն այժմ ներկայացվում է, որպես դրամական միջոցներին համարժեք և ներառվում է «Դրամական միջոցներ և դրանց համարժեքներ» հոդվածում, իսկ վիճակախաղերի կազմակերպման տարեկան տուրքի գծով 981,667 հազար ՀՀ դրամ մնացորդը ներկայացվում է առանձին հոդվածով՝ որպես «Հետաձգված ծախսեր վիճակախաղերի կազմակերպման տարեկան տուրքի գծով»: Նախկինում այս մնացորդները ներկայացվել են «Առևտրային և այլ դեբիտորական պարտքեր» հոդվածում:

6 Հասույթ խաղային գործունեությունից

	2024թ.	2023թ.
Չուտ հասույթ առցանց խաղերից	41,139,042	36,651,165
Չուտ հասույթ սպորտային խաղադրույքներից	5,799,472	6,414,668
	46,938,514	43,065,833

Ընկերության հասույթն ըստ ճանաչման ժամկետայնության ներկայացված է ստորև.

	2024թ.	2023թ.
Ժամանակի մեջ ինչ որ պահին փոխանցվող ծառայություններ	46,938,514	43,065,833
Ընդամենը	46,938,514	43,065,833

Հասույթը ստացվում է Հայաստանում գտնվող առցանց խաղացողներից: Գործառնությունների բնույթից ելնելով՝ Ընկերությունը չունի հաճախորդների հետ գործող պայմանագրերից առաջացող կատարման պարտականություններ, որոնք դեռևս բավարարված չեն: Ժամանակաշրջանի հասույթում չի ներառվել 2024թ. դեկտեմբերի 31-ի դրությամբ խաղադրույքների բաց դիրքերից առաջացող 13,521 հազար ՀՀ դրամ (2023թ.՝ 14,149 հազար ՀՀ դրամ) հասույթը, որն ավելացվել է հաճախորդների մնացորդին և ճանաչվել է դիրքը փակվելու պահին, ինչպես նկարագրված է Ծանոթագրություն 4.4-ում:

7 Հասույթ ծրագրային ապահովման և մշակման ծառայություններից

Ընկերության ծառայությունների մատուցումից ստացվող ողջ հասույթը վերագրվում է ընդհանուր վերահսկողության տակ գտնվող կազմակերպությանը մատուցված ծառայություններին: Այս գործարքն իրականացվել է Ընկերության բնականոն գործունեության շրջանակներում: Ղեկավարությունը կատարել է հավելյալ գնահատումներ համոզվելու համար, որ գործող պայմանագիրը համապատասխանում է շուկայական պայմաններին, որոնք համարժեք են անկախ կողմերի միջև կնքվող գործարքների պայմաններին:

Ընկերության հասույթն ըստ ճանաչման ժամկետայնության ներկայացված է ստորև.

	2024թ.	2023թ.
Ժամանակի ընթացքում փոխանցվող ծառայություններ	21,848,116	17,851,645
Ընդամենը	21,848,116	17,851,645

Հաշվետու տարվա վերջի դրությամբ Ընկերությունը չունի գործող պայմանագրերից առաջացող կատարման պարտականություններ, որոնք դեռևս բավարարված չեն:

8 Փոխարժեքային տարբերությունից զուտ օգուտ (վնաս)

	2024թ.	2023թ.
Անորոշիզացված արժեքով չափվող ֆինանսական ակտիվներ		
Առևտրային դեբիտորական պարտքեր	505,839	(447,377)
Մնացորդներ բանկերում	102,741	(24,848)
Անորոշիզացված արժեքով չափվող ֆինանսական պարտավորություններ		
Առևտրային կրեդիտորական պարտքեր	(12,195)	9,334
Փոխարժեքային տարբերությունից զուտ վնաս (օգուտ)	596,385	(462,891)

9 Շահութահարկի գծով ծախս

	2024թ.	2023թ.
Ընթացիկ հարկ	2,132,155	2,599,308
Հետաձգված հարկ (տե՛ս Ծանոթագրություն 13)	(36,332)	(20,154)
Ընդամենը շահութահարկի գծով ծախս	2,095,823	2,579,154

Արդյունավետ հարկային դրույքաչափի համադրումը ներկայացված է ստորև.

	2024թ.	Արդյունավետ հարկային դրույքաչափ (%)	2023թ.	Արդյունավետ հարկային դրույքաչափ (%)
Շահույթ մինչև հարկումը (համաձայն ՖՀՄՄ-ների)	10,929,183		14,726,919	
Շահութահարկ՝ 18% դրույքաչափով (2023թ.՝ 18%)	1,967,253	18.0%	2,650,845	18.0%
(Զհարկվող եկամուտ) չնվազեցվող ծախսեր, զուտ	128,570	1.2%	(71,691)	-0.5%
Շահութահարկի գծով ծախս	2,095,823	19.2%	2,579,154	17.5%

10 Հիմնական միջոցներ

	Մեքենա- սարքավորումներ	Տրանսպորտային միջոցներ	Արտադրատնտեսական գույք և այլ	Վարձակալված տարածքի բարելավում	Ընդամենը
Սկզբնական արժեք					
2023թ. հունվարի 1-ի դրությամբ	1,669,074	178,454	1,062,299	113,616	3,023,443
Ավելացում	664,775	239,617	353,973	9,767	1,268,132
Օտարում	(4,464)	-	(84,422)	-	(88,886)
2023թ. դեկտեմբերի 31-ի դրությամբ	2,329,385	418,071	1,331,850	123,383	4,202,689
Ավելացում	328,139	-	789,116	45	1,117,300
Օտարում	(7,175)	(207,291)	(11,462)	-	(225,928)
2024թ. դեկտեմբերի 31-ի դրությամբ	2,650,349	210,780	2,109,504	123,428	5,094,061
Կուտակված մաշվածություն					
2023թ. հունվարի 1-ի դրությամբ	637,128	20,993	150,348	11,977	820,446
Տարվա հաշվարկ	481,492	25,371	164,915	66,244	738,022
Օտարման հետևանքով դուրսգրում	(1,772)	-	(13,110)	-	(14,882)
2023թ. դեկտեմբերի 31-ի դրությամբ	1,116,848	46,364	302,153	78,221	1,543,586
Տարվա հաշվարկ	561,818	26,386	225,890	45,207	859,301
Օտարման հետևանքով դուրսգրում	(6,389)	-	(696)	-	(7,085)
2024թ. դեկտեմբերի 31-ի դրությամբ	1,672,277	72,750	527,347	123,428	2,395,802
Հաշվեկշռային արժեք					
2023թ. դեկտեմբերի 31-ի դրությամբ	1,212,537	371,707	1,029,697	45,162	2,659,103
2024թ. դեկտեմբերի 31-ի դրությամբ	978,072	138,030	1,582,157	-	2,698,259

Հաշվետու ամսաթվի դրությամբ Ընկերությունը գրավադրված հիմնական միջոցներ չունի:

2024թ. ավելացումները հիմնականում ներառում են խաղային գործունեության կազմակերպման համար առցանց խաղային ստուդիաների պատրաստման գծով ծախսումները (2023թ.՝ համակարգչային տեխնիկա և առցանց խաղային ստուդիաների պատրաստման գծով ծախսումներ): Տրանսպորտային միջոցների օտարման մեջ ներառվել է 2023թ-ին ձեռքբերված և 2024թ-ին վաճառված մեքենայի հաշվեկշռային արժեքը:

11 Վարձակալություն

Օգտագործման իրավունքի ձևով ակտիվներ

	Գրասենյակա- յին տարածք	Խաղային կենտրոններ	Ընդամենը
Սկզբնական արժեք			
2023թ. հունվարի 1-ի դրությամբ	674,767	93,839	768,606
Ավելացում	1,709,789	82,073	1,791,862
2023թ. դեկտեմբերի 31-ի դրությամբ	2,384,556	175,912	2,560,468
Օտարում	-	(11,598)	(11,598)
2024թ. դեկտեմբերի 31-ի դրությամբ	2,384,556	164,314	2,548,870
Կուրակված մաշվածություն			
2023թ. հունվարի 1-ի դրությամբ	-	-	-
Տարվա հաշվարկ	622,249	61,218	683,467
2023թ. դեկտեմբերի 31-ի դրությամբ	622,249	61,218	683,467
Տարվա հաշվարկ	588,124	36,298	624,422
Օտարման հետևանքով դուրսգրում	-	(1,933)	(1,933)
2024թ. դեկտեմբերի 31-ի դրությամբ	1,210,373	95,583	1,305,956
Հաշվեկշռային արժեք			
2023թ. դեկտեմբերի 31-ի դրությամբ	1,762,307	114,694	1,877,001
2024թ. դեկտեմբերի 31-ի դրությամբ	1,174,183	68,731	1,242,914

Վարձակալության գծով պարտավորություններ

Վարձակալության գծով պարտավորությունները ներկայացված են ֆինանսական վիճակի մասին հաշվետվությունում հետևյալ կերպ.

	31 դեկտեմբերի 2024թ.	31 դեկտեմբերի 2023թ.
Ընթացիկ	703,949	560,458
Ոչ ընթացիկ	661,547	1,327,960
Ընդամենը վարձակալության գծով պարտավորություններ	1,365,496	1,888,418

Ընկերությունը վարձակալել է գրասենյակային տարածքներ և խաղային կենտրոնների համար նախատեսված տարածքներ: Բացառությամբ կարճաժամկետ վարձակալությունների և փոքրարժեք ակտիվների վարձակալությունների՝ յուրաքանչյուր վարձակալություն արտացոլվել է ֆինանսական վիճակի մասին հաշվետվությունում որպես օգտագործման իրավունքի ձևով ակտիվ և վարձակալության գծով պարտավորություն: Վարձակալության փոփոխումն վճարումները, որոնք կախված չեն ինդեքսից կամ դրույքից (ինչպիսիք են, օրինակ, Ընկերության վաճառքների ծավալի հիման վրա հաշվարկվող վարձավճարները), բացառվում են վարձակալության գծով պարտավորության և ակտիվի սկզբնական չափումից: Ընկերությունը դասակարգում է իր՝ օգտագործման իրավունքի ձևով ակտիվները սեփական հիմնական միջոցների դասակարգմանը համահունչ (տե՛ս Ծանոթագրություն 10-ը):

Ընդհանուր առմամբ յուրաքանչյուր վարձակալություն պարունակում է սահմանափակում, ըստ որի օգտագործման իրավունքի ձևով ակտիվը կարող է օգտագործել միայն Ընկերությունը, քանի դեռ առկա չէ ակտիվն այլ կողմի տրամադրելու պայմանագրային իրավունք: Վարձակալությունները կամ չեղյալ

չհայտարարվող են, կամ կարող են չեղյալ հայտարարվել՝ միայն առաջացնելով նշանակալի դադարեցման վճար: Որոշ վարձակալություններ պարունակում են հիմքում ընկած ակտիվն անմիջապես վարձակալության ժամկետի ավարտին ձեռք բերելու կամ վարձակալության ժամկետը երկարացնելու հնարավորություն: Ընկերությանն արգելված է հիմքում ընկած ակտիվը վաճառել կամ գրավադրել: Վարձակալված գրասենյակային շենքերը և գործարանային տարածքները Ընկերությունը պետք է պահպանի բարեկարգ վիճակում և վարձակալության վերջում գույքը վերադարձնի իր սկզբնական վիճակով:

12 Ֆինանսական ակտիվներ և պարտավորություններ

12.1 Ֆինանսական գործիքների կատեգորիաները

Ֆինանսական ակտիվի և ֆինանսական պարտավորության յուրաքանչյուր դասի համար կիրառված հաշվապահական հաշվառման քաղաքականությունը և ընդունված մեթոդների մանրամասները, ինչպես նաև եկամտի և ծախսերի ճանաչման չափանիշներն ու հիմքերը ներկայացված են Ծանոթագրություն 4.9-ում: Ֆինանսական ակտիվների և պարտավորությունների հաշվեկշռային արժեքներն ըստ կատեգորիաների ներկայացված են ստորև:

Ֆինանսական ակտիվներ

	31 դեկտեմբերի 2024թ.	31 դեկտեմբերի 2023թ.
Ամորտիզացված արժեքով չափվող ֆինանսական ակտիվներ		
Առևտրային և այլ դեբիտորական պարտքեր ¹	3,591,233	7,139,176
Դրամական միջոցներ և դրանց համարժեքներ	9,772,000	5,215,766
Ընդամենը ֆինանսական ակտիվներ	13,363,233	12,354,942

¹ այս գումարներն արտացոլում են միայն առևտրային և այլ դեբիտորական պարտքերը, որոնք հանդիսանում են ֆինանսական ակտիվներ

Ֆինանսական պարտավորություններ

	31 դեկտեմբերի 2024թ.	31 դեկտեմբերի 2023թ.
Ամորտիզացված արժեքով պահվող ֆինանսական պարտավորություններ		
Վարձակալության գծով պարտավորություններ	1,365,496	1,888,418
Առևտրային և այլ կրեդիտորական պարտքեր	3,243,906	2,873,753
Ընդամենը ֆինանսական պարտավորություններ	4,609,402	4,762,171

13 Հետաձգված հարկեր

Հետաձգված հարկերի շարժը ներկայացված է ստորև.

	2024թ.	2023թ.
Տարեսկզբի մնացորդ	354,932	334,778
Շահույթում կամ վնասում ճանաչված (ծախս) փոխհատուցում (տե՛ս Ծանոթագրություն 9)	36,332	20,154
Տարեվերջի մնացորդ	391,264	354,932

2024թ. դեկտեմբերի 31-ին ավարտված տարվա հետաձգված հարկերը խմբավորված են հետևյալ կերպ.

	1 հունվարի 2024թ.	Շահույթում կամ վնասում ճանաչված	31 դեկտեմբերի 2024թ.
Հեղաձգված հարկային ակտիվներ			
Վարձակալության գծով պարտքեր	339,915	(104,677)	235,238
Առևտրային դեբիտորական պարտքեր	38,654	2,646	41,300
Առևտրային կրեդիտորական պարտքեր	455,675	27,248	482,923
	834,244	(74,783)	759,461
Հեղաձգված հարկային պարտավորություններ			
Հիմնական միջոցներ և ոչ նյութական ակտիվներ	141,452	3,020	144,472
Օգտագործման իրավունքով ակտիվներ	337,860	(114,135)	223,725
	479,312	(111,115)	368,197
Զուտ արդյունք - հետաձգված հարկային ակտիվներ	354,932	36,332	391,264

2023թ. դեկտեմբերի 31-ին ավարտված տարվա հետաձգված հարկերը խմբավորված են հետևյալ կերպ.

	1 հունվարի 2023թ.	Շահույթում կամ վնասում ճանաչված	31 դեկտեմբերի 2023թ.
Հեղաձգված հարկային ակտիվներ			
Վարձակալության գծով պարտքեր	145,158	194,757	339,915
Առևտրային դեբիտորական պարտքեր	38,654	-	38,654
Առևտրային կրեդիտորական պարտքեր	391,054	64,621	455,675
	574,866	259,378	834,244
Հեղաձգված հարկային պարտավորություններ			
Հիմնական միջոցներ և ոչ նյութական ակտիվներ	101,739	39,713	141,452
Օգտագործման իրավունքով ակտիվներ	138,349	199,511	337,860
	240,088	239,224	479,312
Զուտ արդյունք - հետաձգված հարկային ակտիվներ	334,778	20,154	354,932

14 Առևտրային և այլ դեբիտորական պարտքեր

	31 դեկտեմբերի 2024թ.	31 դեկտեմբերի 2023թ. (վերաներ- կայացված)
Ֆինանսական ակտիվներ		
Առևտրային դեբիտորական պարտքեր	3,475,813	7,078,318
Պարտքային կորուստների համար պահուստ	(110,454)	(95,752)
Այլ դեբիտորական պարտքեր	225,874	156,610
Ընդամենը ֆինանսական ակտիվներ	3,591,233	7,139,176
Ոչ ֆինանսական ակտիվներ		
Տրված կանխավճարներ	61,432	94,999
Պետական բյուջեից դեբիտորական պարտքեր	9,089	60,093
Այլ պետական վճարների գծով	346,665	268,197
Ընդամենը ոչ ֆինանսական ակտիվներ	417,186	423,289
Ընդամենը առևտրային և այլ դեբիտորական պարտքեր	4,008,419	7,562,465

Բոլոր գումարները կարճաժամկետ են: Առևտրային դեբիտորական պարտքերի զուտ հաշվեկշռային արժեքը համարվում է իրական արժեքի խելամիտ գնահատում:

Ապրանքների վաճառքից (և/կամ ծառայությունների մատուցումից) առաջացած առևտրային դեբիտորական պարտքի միջին տևողությունը կազմում է 58 օր (2023թ.՝ 145 օր): Առևտրային դեբիտորական պարտքերի գծով տոկոսներ չեն հաշվարկվում:

Ղեկավարությունը հավատացած է, որ պետական բյուջեից դեբիտորական պարտքերն ամբողջովին ենթակա են վերականգնման:

Ընկերության՝ համեմատական ժամանակաշրջանի բոլոր առևտրային և այլ դեբիտորական պարտքերը վերանայվել են արժեզրկման հայտանիշների առկայության ստուգման համար: Արժեզրկված առևտրային դեբիտորական պարտքերը հիմնականում ֆինանսական հաստատությունների հետ ունեցած անհամաձայնություններից են, որոնց մասով առկա է հավաքագրելիության անորոշություն:

2024թ. դեկտեմբերի 31-ի դրությամբ առևտրային դեբիտորական պարտքերի համար կորուստի գծով պահուստի մնացորդը համադրվում է տարեսկզբի մնացորդի հետ հետևյալ կերպ.

	2024թ.	2023թ.
Կորուստների գծով պահուստը, տարեսկզբի մնացորդ	95,752	95,752
Տարվա ընթացքում պահուստի ճանաչում	14,702	-
Կորուստների գծով պահուստը, տարեվերջի մնացորդ	110,454	95,752

Ծանոթագրություն 23.2-ում ներկայացված են պարտքային ռիսկի և ակնկալվող պարտքային ռիսկի վերլուծության վերաբերյալ բացահայտումները: Արժեզրկման պահուստի ընթացիկ և համադրելի գումարները հաշվարկելիս կիրառվել է ՖՀՄՄ 9-ի՝ ակնկալվող կորուստների մոդելը:

Տե՛ս Ծանոթագրություն 23.1՝ առևտրային և այլ դեբիտորական պարտքերի արժույթների բացահայտման համար:

15 Վիճակախաղերի կազմակերպման տարեկան տուրք

Ինչպես նկարագրված է Ծանոթագրություն 1-ում՝ Ընկերությունն իրականացնում է լիցենզավորված խաղային գործունեություն՝ ՀՀ Ֆինանսների նախարարության կողմից ստացված ինտերնետ շահումով խաղերի կազմակերպման №ԻՇԽ-007 և վիճակախաղերի կազմակերպման №ՎԽ-026 լիցենզիաների հիման վրա: Համաձայն «Պետական տուրքի մասին» ՀՀ օրենքի գործող կարգավորումների՝ Ընկերությունը յուրաքանչյուր լիցենզիայի համար վճարում է տարեկան 600 միլիոն ՀՀ դրամ: Ընկերությունն այս ծախսը ճանաչում է գործունեությունից եկամտի հետ համամասնորեն՝ մեկ տարվա ընթացքում: Քանի որ լիցենզիաները տրամադրվել են 2020թ. նոյեմբեր ամսին, յուրաքանչյուր տարի դեկտեմբերի 31-ի դրությամբ վճարված, բայց դեռևս չծախսագրված գումարը Ֆինանսական վիճակի մասին հաշվետվության մեջ ճանաչվում է որպես «Հետաձգված ծախսեր վիճակախաղերի կազմակերպման տարեկան տուրքի գծով», իսկ Շահույթի կամ վնասի և այլ համապարփակ եկամտի մասին հաշվետվության մեջ որպես «Արտոնագրային վճարներ խաղային գործունեության համար»:

16 Դրամական միջոցներ և դրանց համարժեքներ

Դրամական միջոցների հոսքերի մասին հաշվետվության նպատակով՝ դրամական միջոցները և դրանց համարժեքները ներառում են դրամական միջոցները դրամարկղում ու բանկերում և մինչև 3 ամիս մարման ժամկետ ունեցող կարճաժամկետ ներդրումները՝ նվազեցված բանկային օվերդրաֆտի մնացորդով: Ֆինանսական տարվա վերջի դրությամբ դրամական միջոցների հոսքերի մասին հաշվետվությունում ներկայացված դրամարկղում և բանկերում մնացորդները կարող են համադրվել ֆինանսական վիճակի մասին հաշվետվության հոդվածների հետ հետևյալ կերպ.

	31 դեկտեմբերի 2024թ.	31 դեկտեմբերի 2023թ. (վերաներ- կայացված)
Բանկային հաշիվներ ՀՀ դրամով	8,694,408	514,039
Բանկային հաշիվներ Եվրոյով	38,456	93
Բանկային հաշիվներ ԱՄՆ դոլարով	4,502	2,474
Դրամական միջոցներ ճանապարհին	1,034,634	4,699,160
Ընդամենը դրամական միջոցներ և դրանց համարժեքներ	9,772,000	5,215,766

«Դրամական միջոցներ ճանապարհին» հոդվածը ներառում է վճարահաշվարկային համակարգերի միջոցով հաճախորդներից հավաքագրվող գումարները, որոնք Ընկերության բանկային հաշվին են փոխանցվում գործարքի կատարման օրվանից հետո 7 աշխատանքային օրերի ընթացքում:

17 Սեփական կապիտալ

17.1 Կանոնադրական կապիտալ

	Սովորական բաժնետոմսեր	
	2024թ.	2023թ.
Հայտարարված բաժնետոմսեր	100	100
Սովորական բաժնետոմսերի քանակը, յուրաքանչյուրը՝ 13,701 հազ. դրամ (2023թ.՝ 9,390 հազ. դրամ)	100	100
Թողարկված և տարվա ընթացքում ամբողջովին վճարված	431,135	518,124
Սովորական բաժնետոմսեր	1,370,093	938,958

Ընկերությունն ունի սովորական բաժնետոմսերի մեկ դաս, որը հաստատուն եկամտի նկատմամբ իրավունք չունի:

2024թ. մայիսի 27-ին Ընկերության բաժնետերերի արտահերթ ընդհանուր ժողովի որոշմամբ Ընկերության կանոնադրական կապիտալն ավելացվել է 431,135 հազար ՀՀ դրամով, ավելացված կանոնադրական կապիտալը Ընկերության բաժնետերերի միջև բաշխվել են հավասարապես:

Տեղաբաշխման արդյունքում յուրաքանչյուր բաժնետիրոջ բաժնետոմսերի հարաբերակցությունը 2024թ. դեկտեմբերի 31-ի դրությամբ կազմել է.

Բաժնետիրոջ անուն	Բաժնետոմսերի քանակ	Բաժնետոմսերի անվանական արժեք (ՀՀ դրամ)
Վահե Բաղայան	50	685,046,522
Վիգեն Բաղայան	50	685,046,522

17.2 Շահաբաժիններ

2024թ. մայիսին սովորական բաժնետոմս ունեցող բաժնետերերին վճարվել է 8,622,697 հազար ՀՀ դրամ շահաբաժին, իսկ 2023թ. մայիս և հոկտեմբեր ամիսներին՝ 10,362,481 հազար ՀՀ դրամ:

Ընկերությունը 2024թ. տարեկան արդյունքներից կատարելու է 64,514 հազար ՀՀ դրամի պահուստային կապիտալի համալրում և բաժնետերերին վճարվելու են 8,724,355 հազար ՀՀ դրամի շահաբաժիններ: Այս շահաբաժինները պետք է հաստատվեն տարեկան ընդհանուր ժողովի ժամանակ և չեն ներառվել սույն ֆինանսական հաշվետվություններում՝ որպես պարտավորություն:

17.3 Պահուստային կապիտալ

Պահուստային կապիտալին կուտակված շահույթից կատարվում են հատկացումներ, ինչը կարգավորվում է Ընկերության կանոնադրությամբ՝ համաձայն որի պետք է ստեղծվի պահուստային կապիտալ Ընկերության կանոնադրական կապիտալի 15%-ի չափով: Հաշվետու տարում Ընկերության պահուստային կապիտալը համալրվել է 75,000 ՀՀ դրամով (2023թ.-ին՝ 22,000 հազար ՀՀ դրամ):

18 Առևտրային և կրեդիտորական պարտքեր

	31 դեկտեմբերի 2024թ.	31 դեկտեմբերի 2023թ.
Առևտրային կրեդիտորական պարտքեր	1,360,960	949,392
Աշխատակիցների գծով պարտավորություններ	3,985,387	3,604,682
Հաճախորդների հաշիվների մնացորդներ	545,655	797,457
Ստացված կանխավճարներ	275	4
Վճարվելիք հարկեր և պարտավորություններ	1,010,465	755,588
Այլ	34,807	76,306
Ընդամենը առևտրային և այլ կրեդիտորական պարտքեր	6,937,549	6,183,429

Հաճախորդների հաշիվների մնացորդները ներկայացնում են հաճախորդների կողմից իրենց խաղային հաշիվներին փոխանցված և հաշվետու օրվա դրությամբ չօգտագործված դրամական միջոցները: Քանի որ կանխատեսվում է, որ նշված մնացորդներն ամբողջությամբ կօգտագործվեն մեկ տարվա ընթացքում, զեղչման ազդեցությունն էական չէ: Հետևաբար, հաշվեկշռային արժեքը ներկայացնում է իրական արժեքի հիմնավոր գնահատականը՝ համաձայն ՖՀՄՍ 9-ի՝ «Ֆինանսական գործիքներ», ստանդարտի պահանջների:

Ապրանքների և ծառայությունների ձեռքբերման գծով առաջացած պարտավորությունների մարման միջին տևողությունը կազմում է 2 ամիս (2023թ.՝ 2 ամիս): Առևտրային կրեդիտորական պարտքերի գծով տոկոսներ չեն հաշվարկվում: Ընկերությունն ունի ֆինանսական ռիսկի կառավարման քաղաքականություններ, որոնք ապահովում են բոլոր պարտավորությունների ժամանակին կատարում:

Ընկերության արտարժույթային ռիսկի մասին ավելի մանրամասն տեղեկատվություն ներկայացված է Ծանոթագրություն 23-ում:

19 Ֆինանսավորման գործունեությունից առաջացող պարտավորությունների համադրում

Ընկերության պարտավորություններում ֆինանսավորման գործունեությունից առաջացող փոփոխությունները կարող են դասակարգվել հետևյալ կերպ.

	Վարձակալության գծով պարտավորություններ	Ընդամենը
2023թ. հունվարի 1-ի դրությամբ	805,190	805,190
Դրամային հոսքերից		
Մարումներ	(768,693)	(768,693)
Ոչ դրամային հոսքերից		
Իրական արժեք	1,779,738	1,779,738
Տոկոսի հաշվեգրում	72,183	72,183
2023թ. դեկտեմբերի 31-ի դրությամբ	1,888,418	1,888,418
Դրամային հոսքերից		
Մարումներ	(689,616)	(689,616)
Ոչ դրամային հոսքերից		
Իրական արժեք	(16,158)	(16,158)
Տոկոսի հաշվեգրում	182,852	182,852
2024թ. դեկտեմբերի 31-ի դրությամբ	1,365,496	1,365,496

20 Կապակցված կողմեր

Ընկերության կապակցված կողմերը ներառում են բաժնետերերի ընդհանուր վերահսկողության տակ գտնվող ընկերությունները և հիմնական ղեկավար անձնակազմը:

20.1 Վերահսկողություն

Ընկերությունը վերահսկվում է Ընկերության բաժնետերերի կողմից:

20.2 Գործարքներ կապակցված կողմերի հետ

Հաշվետու տարվա ընթացքում Ընկերության և իր կապակցված կողմերի միջև իրականացվել են հետևյալ գործարքները, և հաշվետու ամսաթվի դրությամբ մնացորդները հետևյալն են:

Գործարքներ

	2024թ.	2023թ.
Ընդհանուր վերահսկողության տակ գտնվող ընկերություններ և բաժնեպատեր		
Ծառայությունների մատուցում	21,848,116	17,851,645
Ստացված ծառայություններ	1,033,918	811,518
Հիմնական միջոցի վաճառք	183,560	-
Վարձակալության գծով ծախսեր	704,432	716,837

Մնացորդներ

	2024թ.	2023թ.
Ընդհանուր վերահսկողության տակ գտնվող ընկերություններ		
Առևտրային և այլ դեբիտորական պարտքեր	3,475,813	7,078,318
Առևտրային և այլ կրեդիտորական պարտքեր	-	51,538
Վարձակալության գծով պարտավորություններ	62,357	58,449

20.3 Գործարքներ ղեկավարության և նրանց անմիջական ազգականների հետ

2024թ. դեկտեմբերի 31-ի դրությամբ և 2023թ. դեկտեմբերի 31-ի դրությամբ Ընկերության ղեկավարությունը և նրանց անմիջական ազգականները կանոնադրական կապիտալում էական մասնակցություն չունեն:

Հիմնական ղեկավար անձնակազմը ժամանակաշրջանի ընթացքում ստացել է հետևյալ վարձատրությունը, որը ներառված է «Փոխհատուցումներ աշխատակիցներին» հոդվածում.

Գործարքներ	2024թ.	2023թ.
Աշխատավարձ և պարգևատրումներ	165,104	67,076

Մնացորդներ

	31 դեկտեմբերի 2024թ.	31 դեկտեմբերի 2023թ.
Աշխատավարձ և չօգտագործված արձակուրդային օրերի գծով պահուստ	8,582	2,587

21 Իրավական պարտավորվածություններ

Ղեկավարությունը գտնում է, որ Ընկերությունը ներգրավված չէ այնպիսի դատական վարույթներում կամ այլ հայցերում, որոնք կարող են նշանակալի ազդեցություն ունենալ Ընկերության գործունեության արդյունքների կամ ֆինանսական վիճակի վրա և որոնք չեն հաշվեգրվել կամ չեն բացահայտվել այս ֆինանսական հաշվետվություններում:

22 Պայմանականություններ

22.1 Ապահովագրություն

Հայաստանում ապահովագրական համակարգը զարգացման փուլում է, և ապահովագրության շատ տեսակներ, որոնք լայնորեն տարածված են մյուս երկրներում, Հայաստանում դեռ չեն կիրառվում: Ընկերությունը չունի ամբողջական ապահովագրական ծածկույթ իր ակտիվների և գործունեության ընդհատման համար, չունի նաև Ընկերության գույքի կամ գործառնությունների հետ կապված պատահարների հետևանքով գույքին կամ շրջակա միջավայրին հասցված վնասի գծով երրորդ կողմի նկատմամբ պարտավորությունների ապահովագրություն: Քանի դեռ Ընկերությունը համապատասխան ձևով ապահովագրված չէ, գոյություն ունի ռիսկ, որ որոշակի ակտիվների կորուստը կամ ոչնչացումը կարող է անբարենպաստ նյութական ազդեցություն ունենալ Ընկերության գործունեության և ֆինանսական վիճակի վրա:

22.2 Հարկեր

Հայաստանի Հանրապետության հարկային օրենսդրությունը հաճախակի ենթարկվում է փոփոխությունների, ինչը որոշ դեպքերում մեկնաբանությունների կարիք է առաջացնում: Հաճախ տարբեր հարկային և իրավասու մարմիններ տարբեր մեկնաբանություններ ունեն: Հարկերը հարկային մարմինների կողմից ենթակա են վերանայման և ուսումնասիրության: Հարկային մարմիններն օրենքով լիազորված են տուգանքներ և տույժեր առաջադրել:

2020թ. հունվարի 1-ից Հայաստանի Հանրապետությունում գործում է տրանսֆերային գնագոյացման օրենսդրությունը: Օրենսդրությունը գործում է 2020թ. և հաջորդ տարիներ համար: Տրանսֆերային գնագոյացման տեղական կանոնները համանման են ՏՀԶԿ-ի ուղեցույցներին, սակայն որոշ հանգամանքներում առկա է անորոշություն հարկային օրենսդրության գործնական կիրառման հետ կապված:

Տրանսֆերային գնագոյացման կանոնները պարտադրում են հարկ վճարողներին պատրաստել տրանսֆերային գնագոյացման փաստաթղթեր վերահսկվող գործարքների համար, սահմանում են լրացուցիչ հարկերի և տուկոսների հաշվեգրման հիմքեր և մեխանիզմներ, եթե վերահսկվող գործարքների գները տարբերվում են շուկայական գներից:

Տրանսֆերային գնագոյացման կանոնները կիրառելի են ստորև ներկայացված գործարքների նկատմամբ, եթե վերահսկվող գործարքի հանրագումարը գերազանցում է 200 միլիոն դրամը հարկային տարում.

- Գործարքներ կապակցված կողմերի միջև,
- Գործարքներ օֆշորային գոտիներում գրանցված ընկերությունների հետ՝ անկախ վերջիններիս կապակցված կողմ լինելու հանգամանքից,
- Կապակցված կողմերի միջև երկրի ներսում իրականացվող որոշ գործարքներ, որոնք սահմանված են ՀՀ հարկային օրենսգրքով:

Քանի որ հարկային մարմինները և դատարանները չունեն տրանսֆերային գնագոյացման կանոնների կիրառման փորձ, դժվար է կանխատեսել տրանսֆերային գնագոյացման նոր կանոնների ազդեցությունն այս ֆինանսական հաշվետվությունների վրա:

Վերոհիշյալ հանգամանքները Հայաստանում կարող են առաջացնել ավելի մեծ հարկային ռիսկեր, քան այլ երկրներում: Ղեկավարությունը համոզված է, որ հարկային պարտավորությունների գծով կատարել է համապատասխան հատկացումներ հարկային օրենսդրության իրենց մեկնաբանության հիման վրա: Այնուամենայնիվ, հարկային մարմինների մեկնաբանությունները կարող են տարբերվել, և դրանց ազդեցությունը կարող է զգալի լինել:

22.3 Պետական տուրքեր

2023թ. հուլիսի 1-ից ուժի մեջ են մտել ՀՀ օրենսդրության փոփոխությունները, համաձայն որոնց Ընկերությունը պետք է վճարի 175,000 հազար ՀՀ դրամ յուրաքանչյուր 100 միլիարդ ՀՀ դրամի չափով խաղադրույք ընդունելու համար՝ առցանց խաղատան խաղերի համար և 50,000 հազար ՀՀ դրամ յուրաքանչյուր 50 միլիարդ ՀՀ դրամի չափով խաղադրույք ընդունելու համար՝ սպորտային խաղերի

համար: Տուրքի գծով ընդհանուր ծախսը ներկայացված է Շահույթի կամ վնասի և այլ համապարփակ ֆինանսական արդյունքի մասին հաշվետվության «Պետական տուրքեր և այլ վճարներ» հոդվածում:

«Պետական տուրքի մասին» << օրենքի համաձայն՝ Ընկերությունը վճարում է պետական տուրք ինտերնետ շահումով խաղերի կազմակերպման լիցենզիայի համար: Տուրքը կազմում է տարեկան 600,000 հազար դրամ սպորտային և առցանց խաղատան խաղերի համար: Տուրքի գծով ընդհանուր ծախսը ներկայացված է Շահույթի կամ վնասի և այլ համապարփակ ֆինանսական արդյունքի մասին հաշվետվության «Արտոնագրային վճարներ խաղային գործունեության համար» հոդվածում:

22.4 Շրջակա միջավայրի հետ կապված խնդիրներ

Ղեկավարությունը համոզված է, որ Ընկերությունը բավարարում է շրջակա միջավայրի հետ կապված Կառավարության պահանջները և վստահ է, որ Ընկերությունը շրջակա միջավայրի հետ կապված ընթացիկ էական պարտավորություններ չունի: Այնուամենայնիվ, Հայաստանում շրջակա միջավայրի վերաբերյալ օրենսդրությունը զարգացման փուլում է, և դրա հավանական փոփոխություններն ու օրենսդրության մեկնաբանություններն ապագայում կարող են էական պարտավորություններ առաջացնել:

23 Ֆինանսական գործիքների ռիսկ

Ռիսկի կառավարման քաղաքականությունները և նպատակները

Ֆինանսական գործիքների հետ կապված՝ Ընկերությունը ենթարկվում է զանազան ռիսկերի: Այս ռիսկերն են շուկայական ռիսկը, պարտքային ռիսկը և իրացվելիության ռիսկը:

23.1 Շուկայական ռիսկի վերլուծություն

Ֆինանսական գործիքների օգտագործման ընթացքում Ընկերությունը ենթարկվում է շուկայական ռիսկի, հատկապես՝ արտարժույթային ռիսկի, որը բխում է ինչպես գործառնական, այնպես էլ ներդրումային գործունեությունից:

Արտարժույթի ռիսկ

Ընկերությունը գործարքներ է իրականացնում արտարժույթով և, հետևաբար, ենթարկվում է արտարժույթի փոխարժեքային տատանումների ազդեցությանը:

Ընկերության գործարքների հիմնական մասն իրականացվում է հայկական դրամով: Արտարժույթի փոխարժեքային տատանումներից կախվածությունն առաջանում է Ընկերության՝ արտերկրյա վաճառքներից և ձեռքբերումներից, որոնք, ի սկզբանե, արտահայտված են ԱՄՆ դոլարով և եվրոյով:

Արտարժույթով արտահայտված ֆինանսական ակտիվներն ու պարտավորությունները, որոնք Ընկերությանը ենթարկում են արտարժույթային ռիսկի, նկարագրված են ստորև: Արտացոլված գումարներն իրենցից ներկայացնում են հիմնական ղեկավար անձնակազմին տրամադրված տվյալները, որոնք արտահայտված են հայկական դրամով՝ հաշվետու ժամանակաշրջանի վերջի ամսաթվի փոխարժեքով:

Հոդված	Եվրո	ԱՄՆ դոլար	Բրիտանական ֆունտ
31 դեկտեմբերի 2024թ.			
Ֆինանսական ակտիվներ			
Առևտրային դեբիտորական պարտքեր	3,475,813	-	-
Բանկային մնացորդներ	38,456	4,502	-
Ընդամենը ֆինանսական ակտիվներ	3,514,269	4,502	-
Ֆինանսական պարտավորություններ			
Առևտրային կրեդիտորական պարտքեր	-	543	631,801
Ընդամենը ֆինանսական պարտավորություններ	-	543	631,801
Զուտ արդյունք	3,514,269	3,959	(631,801)

Հոդված	Եվրո	ԱՄՆ դոլար	Բրիտանական ֆունտ
31 դեկտեմբերի 2023թ.			
Ֆինանսական ակտիվներ			
Առևտրային դեբիտորական պարտքեր	7,078,318	-	-
Բանկային մնացորդներ	93	2,474	-
Ընդամենը ֆինանսական ակտիվներ	7,078,411	2,474	-
Ֆինանսական պարտավորություններ			
Առևտրային կրեդիտորական պարտքեր	-	886	179,160
Ընդամենը ֆինանսական պարտավորություններ	-	886	179,160
Զուտ արդյունք	7,078,411	1,588	(179,160)

Ստորև բերված աղյուսակում ներկայացված է Ընկերության զգայունությունը՝ Եվրոյի և Բրիտանական ֆունտի նկատմամբ դրամի 10% (2023թ.՝ 10%) աճին/նվազմանը: 10%-ը (2023թ.՝ 10%) ղեկավարության կողմից գնահատված փոխարժեքի հավանական փոփոխությունն է: Զգայունության վերլուծությունը ներառում է միայն արտարժույթով արտահայտված դրամային հոդվածների մնացորդները և ժամանակաշրջանի վերջում ճշգրտում է դրանց փոխարկումը՝ փոփոխելով փոխարժեքը 10%-ով (2023թ.՝ 10%):

Դրամի արժևորումն Եվրոյի և Բրիտանական ֆունտի նկատմամբ 10%-ով (2023թ.՝ 10%) կունենա հետևյալ ազդեցությունը՝

	Եվրոյի ազդեցություն		Բրիտանական ֆունտի ազդեցություն	
	2024թ.	2023թ.	2024թ.	2023թ.
Շահույթ կամ վնաս	(351,427)	(707,841)	63,180	17,916
	(351,427)	(707,841)	63,180	17,916

Արտարժույթի փոխարժեքի տատանման ազդեցությունը տարվա ընթացքում փոփոխվում է՝ կախված արտերկրյա գործարքների ծավալից: Այդուհանդերձ, վերը ներկայացված վերլուծությունը կարելի է համարել Ընկերության՝ արտարժույթային ռիսկին ենթարկվածության արտացոլումը:

23.2 Պարտքային ռիսկի վերլուծություն

Պարտքային ռիսկն առաջանում է այն դեպքում, երբ պայմանագրային գործընկերը չի կատարում իր պարտավորությունները, որի հետևանքով Ընկերությունը կարող է ֆինանսական կորուստներ կրել: Ընկերության պարտքային ռիսկն առաջանում է ֆինանսական ակտիվներից՝ ներառյալ բանկերում պահվող դրամական միջոցները և դրանց համարժեքները և առևտրային և այլ դեբիտորական պարտքերը:

Պարտքային ռիսկը կառավարվում է խմբային հիմունքով՝ ելնելով Ընկերության պարտքային ռիսկի կառավարման քաղաքականությունից և ընթացակարգերից:

Բանկերում պահվող դրամական միջոցների մնացորդների մասով պարտքային ռիսկը կառավարվում է մնացորդները տարբեր և բարձր վարկանիշ ունեցող ֆինանսական հաստատություններում պահելու միջոցով:

Ընկերությունը շարունակաբար հսկում է հաճախորդների պարտքի հատկանիշները: Եթե հնարավոր է, օգտագործվում են նաև հաճախորդների վերաբերյալ արտաքին վարկանիշներ և/կամ հաշվետվություններ: Ընկերության քաղաքականությունն է համագործակցել միայն վճարունակ գործընկերների հետ: Պարտքերի ժամկետները տատանվում են 3-ից 70 օրերի միջև:

Առևտրային դեբիտորական պարտքերը ներառում են մի քանի գործընկերներ, որոնցից ամենաեականը համատեղ վերահսկողության տակ գտնվող կազմակերպություն է:

Առևտրային դեբիտորական պարտքեր

Ընկերությունը բոլոր առևտրային դեբիտորական պարտքերի համար կիրառում է ՖՀՄՍ 9-ի պարզեցված մոդելը. «գործողության ամբողջ ժամանակահատվածի ընթացքում ակնկալվող պարտքային կորուստների ճանաչում», քանի որ այս դեբիտորները չեն պարունակում էական ֆինանսական բաղադրիչ:

Ակնկալվող կորուստների դրույքաչափերը հաշվարկվել են՝ հիմնվելով 2024թ. դեկտեմբերի 31-ին և 2024թ. հունվարի 1-ին համապատասխանաբար նախորդող 48 ամսվա ընթացքում վաճառքի դիմաց ստացված վճարումների պատկերի վրա, ինչպես նաև հաշվի առնելով այդ ժամանակամիջոցում ձևավորված պատմական պարտքային կորուստները: Այս պատմական դրույքաչափերը ճշգրտվում են, որպեսզի արտացոլեն ընթացիկ և ապագային վերաբերող մակրոտնտեսական գործոններին, որոնք ազդեցություն ունեն հաճախորդի՝ չվճարված մնացորդը մարելու կարողության վրա: Որպես ակնկալվող պարտքային կորուստի հաշվարկի գնահատում Ընկերությունը հիմք է ընդունել բանկային մնացորդների վրա հաշվարկվող տոկոսային եկամտի միջին տոկոսադրույքը և հաշվարկել կորսված եկամուտը դեբիտորական պարտքերի հավաքագրման ժամկետի համար: Վճարման համար մինչև 30 օրը համարվել է պայմանագրով նախատեսված արտոնյալ ժամանակահատված: Ընկերության գնահատել է, որ ամենահամապատասխան մակրոտնտեսական գործոն է հանդիսանում սպառողական գների ինդեքսի և ԱՄՆ դոլարի նկատմամբ հայկական դրամի հաշվարկային փոխարժեքի փոփոխությունը և ճշգրտում է կորուստների պատմական դրույքաչափերն այդ գործոնով պայմանավորված սպասվող փոփոխությունների չափով:

Երբ հավանական չէ առևտրային դեբիտորական պարտքերի հավաքագրումը, դրանք դուրս են գրվում (ապահանջվում են): Հաշիվ-ապրանքագրի ամսաթվից հետո 365 օրվա ընթացքում վճարում չկատարելը և Ընկերության հետ այլընտրանքային վճարման վերաբերյալ համաձայնության չգալը համարվում է գումարի վերադարձման վերաբերյալ խելամիտ սպասումներ չունենալու համար հայտանիշ:

23.3 Իրացվելիության ռիսկի վերլուծություն

Իրացվելիության ռիսկն այն ռիսկն է, որ Ընկերությունն ի վիճակի չի լինի մարել իր պարտավորվածությունները:

Ընկերությունը վարում է իրացվելիության կառավարման քաղաքականություն՝ բանկային հաշիվներում պահելով բավարար միջոցներ, ինչպես նաև պահելով բարձր իրացվելիություն ունեցող ակտիվներ՝ գործառնական պարտավորությունները ժամանակին մարելու նպատակով:

Հետևյալ աղյուսակում ներկայացված է Ընկերության ոչ ածանցյալ ֆինանսական պարտավորությունների գծով պայմանագրային մնացյալ մարման ժամկետները: Աղյուսակը պատրաստված է ֆինանսական պարտավորությունների չգեղջված դրամական միջոցների հոսքերի հիման վրա՝ հաշվի առնելով ամենավաղ ամսաթիվը, երբ Ընկերությունը ստիպված կլինի մարել այդ պարտավորությունները: Աղյուսակը ներառում է տոկոսների և մայր գումարի գծով դրամական միջոցների հոսքերը:

2024թ.

	Անտոկոս	Պարտավորություն վարձակալության գծով	Ընդամենը
Միջին կշռված արդյունավետ տոկոսադրույք (12 %)			
Մինչև 6 ամիս	3,209,099	351,975	3,561,074
6 ամսից մինչև 1 տարի	34,807	351,975	386,782
1-5 տարի	-	661,547	661,547
	3,243,906	1,365,497	4,609,403

2023թ.

	Անտոկոս	Պարտավորություն վարձակալության գծով	Ընդամենը
Միջին կշռված արդյունավետ տոկոսադրույք (12 %)			
Մինչև 6 ամիս	2,797,447	280,229	3,077,676
6 ամսից մինչև 1 տարի	76,306	280,229	356,535
1-5 տարի	-	1,327,960	1,327,960
	2,873,753	1,888,418	4,762,171

Ընկերությունն իրացվելիության դիսկի գնահատման և կառավարման ժամանակ հաշվի է առնում ֆինանսական ակտիվներից ակնկալվող դրամային հոսքերը, մասնավորապես՝ դրամական միջոցները և առևտրային դեբիտորական պարտքերը: Ընկերության դրամական միջոցները և առևտրային դեբիտորական պարտքերն էականորեն գերազանցում են անհրաժեշտ դրամական արտահոսքերը: Առևտրային և այլ դեբիտորական պարտքերից դրամական հոսքերը պայմանագրով ենթակա են ստացման 1-3 ամիսների ընթացքում:

24 Իրական արժեքի չափում

Ընկերությունը սկզբնական ճանաչումից հետո իրական արժեքով չափվող ակտիվները և պարտավորությունները դասակարգում է 1-ից մինչև 3-րդ մակարդակներում՝ հիմնվելով իրական արժեքի դիտարկելիության աստիճանի վրա: Այս երեք մակարդակները ներկայացված են ստորև.

- 1-ին մակարդակ՝ իրական արժեքները ստացվում են նմանատիպ ակտիվների կամ պարտավորությունների ակտիվ շուկաներում գնանշվող գներից (չճշգրտված),
- 2-րդ մակարդակ՝ իրական արժեքները ստացվում են 1-ին մակարդակում ներառված գնանշվող գներից տարբեր այլ ելակետային տվյալներից, որոնք ակտիվի կամ պարտավորության գծով դիտարկվում են կամ ուղղակիորեն (այսինքն՝ որպես գներ), կամ անուղղակիորեն (այսինքն՝ գների հիման վրա ստացվող),
- 3-րդ մակարդակ՝ իրական արժեքները ստացվում են գնահատման հնարքների միջոցով, որոնք ներառում են ակտիվի կամ պարտավորության գծով ելակետային տվյալներ, որոնք հիմնված չեն դիտարկվող շուկայական տվյալների վրա (ոչ դիտարկելի ելակետային տվյալներ):

24.1 Ֆինանսական գործիքների իրական արժեքի չափում

Անորոշիզացված արժեքով չափվող ֆինանսական գործիքներ, որոնց համար իրական արժեքը բացահայտված է

Ընկերության ֆինանսական գործիքների հաշվեկշռային արժեքները համարվում են իրական արժեքի խելամիտ գնահատում:

Առևտրային դեբիտորական և կրեդիտորական պարտքերը, դրամական միջոցները և դրանց համարժեքները իրացվելի են կամ կարճաժամկետ են, ուստի ենթադրվում է, որ հաշվեկշռային արժեքը մոտ է դրանց իրական արժեքին:

Վարձակալության գծով պարտավորությունների իրական արժեքը գնահատվում է զեղչված դրամական հոսքերի մեթոդով՝ կիրառելով այն շուկայական տոկոսադրույքները, որոնք Ընկերությունը հաշվետու ամսաթվի դրությամբ պետք է վճարեր համանման ժամկետում և ապահովվածությամբ փոխառություն ստանալու համար՝ համանման տնտեսական միջավայրում համանման արժեքով օգտագործման իրավունքի ձևով ակտիվի ձեռքբերման նպատակով: Ամենազգալի փոփոխականը զեղչման տոկոսադրույքն է, որը կազմել է միջինում 12% (2023թ.՝ 12%):

Ընկերության ֆինանսական գործիքները դասակարգվում են իրական արժեքի հիերարխիայի 2 մակարդակում:

25 Կապիտալի ռիսկի քաղաքականություններ և ընթացակարգեր

Ընկերությունն իր կապիտալը կառավարում է այնպես, որպեսզի ապահովի իր անընդհատ գործելու հնարավորությունը և բաժնետերերին բավարար եկամուտ մատակարարի:

Ընկերության կապիտալը կազմված է սեփական կապիտալից բաշխված բաժնետերերի միջև, որը ներառում է թողարկված կապիտալը, պահուստներն ու կուտակված շահույթը, որոնք բացահայտված են Ծանոթագրություն 17-ում:

Ղեկավարությունը գնահատում է Ընկերության կապիտալի պահանջները, որպեսզի ապահովի ընդհանուր ֆինանսավորման արդյունավետ կառուցվածք՝ խուսափելով չափազանց մեծ լծակավորումից (լեվերիջ):